

四庫全書

經部

欽定四庫全書

經部

五禮通考卷二百一

詳校官侍郎_臣劉躍雲

給事中_臣溫常綬覆勘

總校官進士_臣繆琪

校對官中書_臣李荃

謄錄進士_臣唐燦

欽定四庫全書

五禮通考卷一百十八

刑部尚書秦蕙田撰

嘉禮九十一

設官分職

唐書百官志唐之官制其名號祿秩雖因時增損而大抵皆沿隋故其官司之別曰省曰臺曰寺曰監曰衛曰府各統其屬以分職定位其辨貴賤叙勞能則有品有

爵有勲有階以時考覈而升降之初太宗省內外官定制為七百三十員曰吾以待天下賢材足矣然是時已有員外置其後又有特置同正員至於檢校兼守判知之類皆非本制又有置使之名或因事而置事已則罷或遂置而不廢其名類繁多莫能徧舉自中世以後盜起兵興又有軍功之官遂不勝其濫矣

宰相之職佐天子總百官治萬事其任重矣然自漢以來位號不同而唐世宰相名尤不正初唐因隋制以三

省之長中書令侍中尚書令共議國政此宰相職也其
後以太宗嘗為尚書令臣下避不敢居其職由是僕射
為尚書省長官與侍中中書令號為宰相其品位既崇
不欲輕以授人故常以他官居宰相職而假以他名自
太宗時杜淹以吏部尚書參議朝政魏徵以秘書監參
預朝政其後或曰參議得失參知政事之類其名非一
皆宰相職也貞觀八年僕射李靖以疾辭位詔疾小瘳
三兩日一至中書門下平章事而平章事之名蓋起於

此其後李勣以太子詹事同中書門下三品謂同侍中
中書令也而同三品之名蓋起於此然二名不專用而
佗官居職者猶假佗名如故自高宗以後為宰相者必
加同中書門下三品雖品高者亦然惟三公三師中書
令則否其後改易官名而張文瓘以東臺侍郎同東西
臺三品同三品入銜自文瓘始永淳元年以黃門侍郎
郭待舉兵部侍郎岑長倩等同中書門下平章事平章
事入銜自待舉等始自是以後終唐之世不能改初三

省長官議事于門下省之政事堂其後裴炎自侍中遷中書令乃徙政事堂於中書省開元中張說為相又改政事堂號中書門下列五房子其後一曰吏房二曰樞機房三曰兵房四曰戶房五曰刑禮房分曹以主衆務焉宰相事無不統故不以一職名官自開元以後常以領他職實欲重其事而反輕宰相之體故時方用兵則為節度使時崇儒學則為大學士時急財用則為鹽鐵轉運使又其甚則為延資庫使至於國史太清宮之類

其名頗多皆不足取法故不著其詳

通典唐侍中中書令是真宰相

尚書左右僕射亦嘗為宰相其間或改為

納言內史左相右相黃門監紫微令等名其本即侍中中書令也共有四員其僕射貞觀末始加平章事

方為宰相其餘以他官參掌者無定員但加同中書門下

三品

貞觀十七年以兵部尚書李勣同中書門下三品同中書門下三品自此始也永淳弘道之際

裴炎為正議大夫守侍中崔知溫為正議大夫守中書令劉齊賢為中大夫守侍中並同中書門下三品

按此當以階卑官高令所給祿秩同三品耳當時權時之制其後亦有階卑為侍中中書令者即更不言

及平章事知政事參知機務參與政事及平章軍國

重事之名者並為宰相亦漢行丞相事之例也自先天之前其員頗多景龍中至十餘人開元以來常以二人為限或多則三人天寶十五年之後天下多難勲賢並建故備位者衆然其秉鈞持衡亦一二人而已

蕙田案正議大夫階正四品中大夫階從四品而侍中中書令皆正二品故云階卑官高也高宗以後官至侍中中書令則無同三品

同平章事之稱

又案唐書宰相表以他官參宰相之任者稱號不一有云知政事平章政事參議朝政參預朝政參知政事參議得失專典機密參知機務參掌機密參預機務同掌機務同知軍國政事平章軍國重事者高宗以後同中書門下三品同中書門下平章事二名兼用肅代以降宰相無不稱平章事者矣

馬氏端臨曰唐初始定制以三省為宰相之司存以三省長官為宰相之職任然省分為三各有所掌而其官亦復不一相職既尊無所不統則不容拘以一職於是始有同中書門下三品同平章事參知機務參預政事之名馬諸名之中所謂同平章事者唐初雖以稱宰相乃以處資淺之人在參知政事之下中世以後則獨為真宰相之官至宋元豐以前皆然

學士之職本以文學言語被顧問出入侍從因得參謀議納諫諍其禮尤寵而翰林院者待詔之所也唐制乘輿所在必有文詞經學之士下至卜醫伎術之流皆直於別院以備宴見而文書詔令則中書舍人掌之自太

宗時名儒學士時時召以草制然猶未有名號乾封以後始號北門學士元宗初置翰林待詔以張說陸堅張九齡等為之掌四方表疏批答應和文章既而又以中書務劇文書多壅滯乃選文學之士號翰林供奉與集賢院學士分掌制詔書敕開元二十六年又改翰林供奉為學士別置學士院專掌內命凡拜免將相號令征伐皆用白麻其後選用益重而禮遇益親至號為內相又以為天子私人凡充其職者無定員自諸曹尚書下

至校書郎皆得與選入院一歲則遷知制誥未知制誥者不作文書班次各以其官內宴則居宰相之下一品之上憲宗時又置學士承旨唐之學士弘文集賢分隸中書門下省而翰林學士獨無所屬

三師三公太師太傅太保各一人太尉司徒司空各一人皆不設

屬官

尚書省 尚書令一人掌典領百官其屬有六尚書庶務皆會決焉龍朔二年改尚書省曰

中臺廢尚書令尚書曰太常伯侍郎曰少常伯光宅元年改尚書省曰文昌臺俄曰文昌都省垂拱元年曰都

臺長安三年曰中臺

左右僕射

各一人掌統理六官為令之貳令闕則總省事龍朔二年改曰

左右匡政光宅元年曰文昌左右相開元元年曰左右丞相天寶元年復

左右丞

各一人掌辨六

官之儀糾正省內左丞總吏戶禮部右丞總兵刑工部左右司郎中各一人員外郎各一人都事各六人主事各六人龍朔元年改左右丞曰左右肅機郎中曰左右承務諸司郎中曰大夫永昌元年置員外郎神龍元年省明年復置

吏部尚書

一人侍郎二人掌文選勳封考課之政其屬有司曰吏部曰司封曰司勳曰考功吏部郎

中員外郎各二人掌文官階品朝集祿賜給其告身司封郎中員外郎各一人掌封命朝會賜予之級司勳郎中員外郎各二人掌文武百官功過善惡之考吏部主事四人司封

二人司勳四人考功三人武德五年改選部曰吏部七年省侍郎貞觀二年復置龍朔元年改吏部曰司列主爵曰司封考功曰司績咸亨初復舊武后光宅元年改吏部曰天官垂拱元年改主爵曰司封天寶十一載改吏部曰文部至

戶部尚書

一人侍郎二人掌天下土地人民錢穀之政貢賦之

差其屬有四曰戶部曰度支曰金部曰倉部戶部郎中員外郎各二人掌戶口田土賦役貢獻蠲免優復嫺婚繼嗣之事度支郎中員外郎各一人掌天下租賦歲計所出而支調之金部郎中員外郎各一人掌天下庫藏出納權衡度量之數倉部郎中員外郎各一人掌天下軍儲出納租稅祿糧倉廩之事戶部巡官二人主事四入度支主事二人金部倉部主事各三人高宗即位改民部曰戶部龍朔三年改戶部曰司元度支曰司度金部曰司珍倉部曰司庾光宅元年改戶部曰地官天寶十二載改金部曰司金倉部曰司儲

禮部

尚書

一人侍郎一人掌禮儀祭享貢舉之政其屬四曰禮部曰祠部曰膳部曰主客禮部郎中員外郎各

一人掌禮樂學校衣冠符印表疏圖書冊命祥瑞鋪設祠部郎中員外郎各一人掌祠祀享祭膳部郎中員外

郎各一人掌陵廟之牲豆酒膳主客郎中員外郎各一人掌二王後諸蕃朝見之事主事禮部祠部膳部主客

各二人武德四年改儀曹郎曰禮部郎中司蕃郎曰主客郎中龍朔二年改禮部曰司禮祠部曰司裡膳部曰

司膳光宅元年改禮部曰春官

兵部尚書

一人侍郎二人掌武選地圖書車馬甲械之政其屬四

曰兵部曰職方曰駕部曰庫部兵部郎中員外郎各二人掌武官階品軍戎調遣貢舉雜請資歷考課職方郎

中員外郎各一人掌地圖遠近及四夷歸化之事駕部郎中員外郎各一人掌輿輦車乘傳驛廐牧馬牛雜畜

之籍庫部郎中員外郎各一人掌戎器鹵簿儀仗兵部主事四人職方駕部庫部各二人龍朔二年改兵部曰

司戎職方曰司城駕部曰司興庫部曰司庫光宅元年改兵部曰夏官天寶十一載曰武部駕部曰司駕

刑部尚書

一人侍郎一人掌律令刑法徒隸按覆讞禁之政其屬四曰刑部曰都官曰比部曰司門

刑部郎中員外郎各二人掌律法按覆奏讞都官郎中員外郎各一人掌俘隸簿錄給衣糧醫藥而理其訴免

比部郎中員外郎各一人掌簿錄給衣糧醫藥而理其訴免贖徒役課程逋欠之物司門郎中員外郎各一人掌

門闕出入及閹遺之物刑部比部主事各四人都官司門各二人龍朔二年改刑部曰司刑都官曰司僕比部

曰司計司門曰司闕光宅元年改刑部曰秋官天寶十一載改刑部曰司憲比部曰司計工部尚

書

一人侍郎一人掌山澤屯田工匠諸司公廨紙筆墨之事其屬四曰工部曰屯田曰虞部曰水部工部郎

中員外郎各一人掌城池土木之工役程式屯田郎中員外郎各一人掌天下屯田及文武職田諸司公廨田

虞部郎中員外郎各一人掌苑園山澤草木供頓畋獵之事水部郎中員外郎各一人掌津渠堤堰溝洫運漕之事工部主事三人屯田虞部水部各二人武德三年改起部曰工部龍朔二年曰司平屯田曰司田虞部曰司虞水部曰司川光宅元年改工部曰冬官司天寶十一載改虞部曰司虞水部曰司水

馬氏端臨曰漢成分尚書置四曹蓋因事設員以司其務非擬于古制也漢魏以來或五或六亦隨宜施制無有常典自宋齊以後稍定為六曹至隋六部而其制益明武太后遂以吏部為天官若參詳古今徵考職任則天官太宰當為尚書令非吏部之任今之

吏部特出于夏官之司士耳今戶部之職與地官之任雖云頗同各徵其承受考其沿襲則戶部合出于度支度支主計筭之官也計筭之任本出于周禮天官之司會云

蕙田案六部每部領四司昉於隋而唐宋皆因之吏部戶部禮部兵部刑部工部六司謂之頭司餘為子司隋時諸曹皆稱郎唐武德三年始名郎中初戶部在禮部後武后以六

部擬周禮六官改戶部為地官由是居禮部
之前矣通典載顯慶元年改戶部為度支尚
書咸亨元年復為戶部而唐志不載又天寶
中改刑部曰憲部唐志稱司憲亦誤

門下省

侍中

二人掌出納帝命相禮儀凡國家之務與中書令參總而專判省事武德元年

改侍內曰納言三年曰侍中龍朔二年改門下省曰東臺侍中曰左相武后光宅元年曰納言垂拱元年改門

下省曰鸞臺開元元年曰黃門省侍中曰監天寶元年曰左相

門下侍郎

二人掌貳侍中之職

龍朔二年改黃門侍郎曰東臺侍郎武后垂拱元年曰鸞臺侍郎天寶元年曰門下侍郎乾元元年曰黃門侍

郎大歷二年復舊

左散騎常侍

二人掌規諷過失侍從顧問隋廢散騎常侍貞觀元年復

置十七年為職事官顯慶二年分左右諫門下中書省皆金蟬珥貂左散騎與侍中為左貂右散騎與中書令

為右貂謂之八貂龍朔二年曰侍極

左諫議大夫

四人掌諫諭得失侍從贊相武德元年置

諫議大夫龍朔二年曰正諫大夫貞元四年分左右又武后垂拱二年鑄銅匱四列於朝堂以受四方之書以

諫議大夫補闕拾遺一人充使知匱事御史中丞侍御史一人為理匱使其後同為一匱元宗改理匱使為獻

納使至德元年復舊寶應元年命中書門下擇正直清白官一人知匱以給事中中書舍人為理匱使建中二

年以御史中丞為理匱使諫議大夫一人為知匱使

給事中

四人掌侍左右分判省事門下省有

錄事四人主事四人

左補闕左拾遺

各六人掌供奉諷諫大事廷議

起居郎

二人掌錄天子起居法度與舍人分侍殿
左右龍朔二年曰左史天授元年亦如之

典儀

二人掌贊

唱及殿中
版位之次

城門郎

四人掌京城皇城宮
殿諸門開闔之節

符寶郎

四人

掌天子八寶
及國之符節

宏文館學士

掌詳正圖籍教授生徒朝
廷制度沿革禮儀輕重皆

參議焉武德四年置修文館于門下省九年改曰宏文
館其後又置講經博士儀鳳中置詳正學士校理圖籍

武德後五品以上曰學士六品以上曰直學士又有文
學直館皆它官領之武后垂拱後以宰相兼領館務號

館主給事中一人判館事神龍元年改曰昭文館二年
曰修文館景龍二年置大學士四人以象四時學士八

人以象八節直學士十二人以象十二時景雲中減其
員數復為昭文館開元七年曰宏文館置校書郎又有

校理讎校錯誤等官長慶三年與詳正學士講經博士
皆罷顯以五品以上曰學士六品以下曰直學士未登

朝為
直館

校書郎

二人掌校
理典籍

蕙田案大學士之稱始於景龍間其後張說
崔圓李泌皆授大學士固辭乃止中葉以降
如楊綰裴度牛僧孺皆加宏文館大學士李
勉裴均李德裕賈餗皆加集賢殿大學士蓋
自宰輔以下固不輕授之矣宋初集賢院昭
文館大學士皆以宰相領之而觀文殿資政
殿大學士則以待宰執之就閒者自明以來

殿閣大學士遂專為輔臣之職矣

中書省

中書令

二人掌佐天子執大政而總判其省事武德三年改內書省曰中書省內

書令曰中書令龍朔元年改中書省曰西臺中書令曰右相光宅元年改中書曰鳳閣中書令曰內史開元元年改中書省曰紫微省中書令曰紫微令天寶元年曰右相至大歷五年紫微侍郎乃復為中書侍郎

侍郎

二人掌貳令之職朝廷大政參議焉

舍人

六人掌侍進奏參議表章以久次者一人為閣

老判本省雜事又一人知制誥其餘分署制敕以六員分押尚書六曹中書省有主書四人主事四人

右散騎常侍

二人

右諫議大夫

四人

右補闕右拾遺

各六

人掌如門下省

起居舍人

二人掌修記言之史後改曰右史

通事舍人

十六

人掌朝見引
納殿庭通奏

集賢殿書院學士直學士侍讀學士修

撰官

掌刊緝經籍凡圖書遺逸賢才隱滯則承旨以求之開元五年乾元殿寫四部書置乾元院使有刊

正官四人以一人判事押院中使一人知書官八入六年更號麗正脩書院置使及檢校官為麗正殿直學士

八年加文學直又加修撰校理刊正校勘官十一年置麗正院脩書學士光順門外亦置書院十二年東都明

福門外亦置麗正書院十三年改麗正修書院為集賢殿書院五品以上為學士六品以下為直學士宰相一

人為學士知院事常侍一人為副知院事又置判院一人押院中使一人元宗嘗選耆儒日一人侍讀以質史

籍疑義至是置集賢院侍講學士侍讀直學士其後又增脩撰官校理官待制官留院官知檢討官文學直之

員募能書者為書直及寫御書人其後亦以前資常選三衛散官五品以上子孫為之又置畫直至十九年以

書直畫直搨書有官者為直院至德二年置大學士貞元初置編錄官四年罷大學士八年罷校理置校書四人正字二人元和二年復置集賢校理罷校書正字四人集賢御書院學士直學士皆用五品如開元故事以學士一人年高者判院事非登朝官者為校理餘皆罷永徽中命宏文館學士一人日待制于武德殿西門永泰時勲臣罷節制無職事皆待制于集賢門凡十三人

校書

人四

正字

人二

史

館修撰

它官兼領或卑位有才者亦以直館稱以宰相

涖脩撰又於中書省置秘書內省修五代史開元二十年李林甫以宰相監修國史建議以為中書切密之地史官記事隸門下省疏遠於是諫議大夫史館修撰初入為直館元和六年宰相裴垍建議登朝官領史職者為修撰以官高一人判館事未登朝官皆為直館大中八年廢史館直館二員增修撰四人

蕙田案尚書門下中書三省政本所出故紀

其官屬職掌特詳

祕書省

監一人少監二人丞一人掌經籍圖書之事龍朔二年改祕書省曰蘭臺監曰太史少監曰侍

郎丞曰大夫祕書郎曰蘭臺郎武后垂拱元年祕書省曰麟臺太極元年曰祕書省祕書郎三人校書郎十人

著作局郎二人佐郎二人校書二人正字二人龍朔二年改曰司文局郎曰郎中佐郎曰司文郎

司天臺

監一人少監二人掌察天文稽術數丞一人主簿二人主事一人武德四年改太史監曰太史

局隸祕書省龍朔二年改太史局曰祕書閣局令曰祕書閣郎中武后光宅元年改局曰渾天監不隸麟臺俄改曰渾儀監長安二年復曰太史局隸麟臺如故景龍二年改曰太史監不隸祕書省景雲元年又為局隸祕

書省踰月為監歲中復為局二年改曰渾儀監開元二年復曰太史監改令為監置少監十四年太史監復為局以監為令而廢少監天寶元年太史局復為監自是不隸祕書省乾元元年曰司天臺改令為監春官夏官秋官冬官中官正各一人副正各一人五官保章正二人五官監候三人五官司厯二人五官靈臺郎各一人五官挈壺正二人五官司晨八人漏刻博士六人

殿中省

監一人少監二人丞二人掌天子服御之事龍朔二年曰中御府監曰大監丞曰大夫侍御尚

醫二人主事二人進馬五人尚食局奉御二人直長五人食醫八人龍朔二年曰奉膳局諸奉御皆曰大夫

尚藥局奉御二人直長二人侍御醫四人司醫五人醫佐十人龍朔二年曰奉醫局尚衣局奉御二人直

長四人龍朔二年曰奉冕局尚舍局奉御二人直長六人龍朔二年曰奉展局尚乘局奉御二人直長十

人司廩司庫各一人奉乘十八人龍朔二年曰奉駕局
尚輦局奉御二人直長三人尚輦二人龍朔二年曰
奉輦局

內侍省

監二人少監二人內侍四人掌內侍奉宣制令
武德四年為內侍監龍朔二年改監為省垂拱

元年

曰司宮臺天寶十三年置內侍監改內侍曰少監

尋更置內侍

內常侍六人內給事十人主事二人內

謁者監十人

內謁者十二人內寺伯六人寺人六人

掖廷局令二人

丞三人宮教博士二人監作四人宮

閤局令二人

丞二人奚官局令二人丞二人內僕

局令二人

丞二人內府局令二人丞二人太子內

坊局令二人

丞二人

坊事五人

典直四人

御史臺

大夫一人中丞三人掌以刑法典章糾正百官
之罪惡其屬為三院一曰臺院侍御史隸焉二

欽定四庫全書

卷

五禮通考

十四

曰殿院殿中侍御史隸馬三曰察院監察御史隸馬龍
朔二年改御史臺曰憲臺大夫曰大司憲中丞曰司憲
大夫武后文明元年改御史臺曰肅政臺光宅元年分
左右臺景雲三年廢右臺延和元年復置尋復廢東都
留臺有中丞侍御史各一人殿中侍御史二人監察御
史三人元和後不置中丞三院御史亦不常備侍御史
六人以久次者一人知雜事謂之雜端主簿一人錄事
二人殿中侍御史九人監察御史十五人龍朔二
年置監察御史裏行武后文明元年置殿中裏
行後亦顯以裏行名官長安二年置內供奉

禁氏夢得曰唐三院御史謂侍御史與殿中侍御史
監察御史也侍御史所居曰臺院殿中曰殿院監察
曰察院此其公字之號非官稱也侍御史自稱端公
知雜事則稱雜端而殿中監察稱曰侍御史近世殿院
察院乃以名其官蓋失之矣而侍御史復不稱臺院
止曰侍御史端公雜端但私以相號而不見於通稱各

從其所公
襲而已

蕙田案明制改御史臺曰都察院而十三道
監察御史則止稱察院蓋沿唐宋以來之稱
唐宋御史有裏行謂未經正授而行署中之
事如今之某處行走是也

太常寺

卿一人掌禮樂郊廟社稷之事少卿二人丞二人主簿二人龍朔二年改曰奉常寺九寺卿皆

曰正卿少卿

曰大夫武后光宅元年改曰司常寺博協律郎二人錄事二人

人丞一人署令二人丞二人

太樂署令二人丞一人樂正八人鼓吹署令二人丞二人

醫監四人 針師十人 按摩博士一人 助教各一人 針博士助教各一人 針師十人 按摩博士一人 按摩四人 咒禁博士一人 太卜署令一人 丞二人 卜正博士各二人 犧署令一人 丞二人 汾祠署令一人 丞一人 三皇五帝以前帝王三皇五帝周文王武王漢高祖兩京武成王廟令一人 丞一人

光祿寺

卿一人 掌酒醴膳羞之政 少卿二人 丞二人 主簿一人 錄事二人 龍朔二年改曰司宰寺 武后

改曰司膳寺 太官署令二人 丞四人 珍羞署令一人 丞二人 良醢署令二人 丞二人 掌醢署令一人

丞二人

衛尉寺

卿一人 掌器械文物 少卿二人 丞二人 主簿二人 錄事一人 龍朔二年改曰司衛寺 兩京武

庫署令各二人 丞各二人 監事各一人 守官署令一人 丞二人 監事二人 丞二人 監事二人

人

宗正寺

卿一人掌天子族親屬籍少卿二人丞二人主簿二人知圖譜官一人修玉牒官一人知宗子

表疏官一人錄事二人武德二年置宗師一人後省龍朔二年改寺曰司宗寺武后曰司屬寺諸陵臺令各

一人丞各一人建初啟運興寧永康陵令各一人丞各一人諸太子廟令各一人丞各一人錄事各一人諸太

子陵令各一人丞各一人錄事各一人崇元署令一人丞一人

蕙田案崇元署領僧道二教即北齊之昭元

寺也隋隸鴻臚寺唐以老子為始祖置崇元

學故僧道女冠並隸宗正

太僕寺

卿一人掌廐牧輦輿之政少卿二人丞四人主簿二人錄事二人永徽中改寺曰司馭寺武后

曰司僕寺

乘黃署令一人丞一人典廐署令二人

丞四人

車府署令一人丞一人諸牧監上牧監監

各一人副監各二人丞各二人主簿各一人中牧監副監丞各減一員東宮九牧監丞二人錄事各一人

大理寺

卿一人掌折獄詳刑少卿二人正二人丞六人主簿二人龍朔二年改曰詳刑寺武后改曰司

刑寺

獄丞六人司直六人

人評事八人錄事二人

鴻臚寺

卿一人掌賓客及凶儀少卿二人丞一人主簿一人錄事二人龍朔二年改曰同文寺武后曰

司賓寺

典客署令一人丞三人掌

客十五人

司儀署令一人丞一人

司農寺

卿一人掌倉儲委積少卿二人丞六人主簿二人錄事二人龍朔二年改寺曰司稼寺上林

署令二人丞四人太倉署令三人丞五人監事八人
鈎盾署令二人丞四人監事十人導官署令二人

丞四人監事十人太原永豐龍門等倉每倉監一人
丞二人司竹監一人副監一人丞二人慶善石門

溫泉湯等監每監監一人丞二人京都諸宮苑總監
監各一人副監各一人丞各二人主簿各二人京都

諸園苑監苑四面監監各一人副監各一人丞各二人
九成宮總監監一人副監一人丞一人主簿一人

諸鹽池監監一人
諸屯監一人丞一人

太府寺

卿一人掌財貨廩藏貿易少卿二人丞四人主
簿二人錄事二人龍朔二年改曰外府寺武后

改曰司府寺兩京諸市署令各一人丞二人左藏
署令三人丞五人監事八人右藏署令二人丞三人

監事四人常平署令
一人丞二人監事五人

國子監

祭酒一人 司業二人 掌儒學訓導之政丞一人 主簿一人 錄事一人 武德初曰國子學 隸太常

寺貞觀二年曰監 龍朔二年改曰司成 館祭酒曰大司成 司業曰少司成 咸亨二年復曰監 垂拱元年曰成均

監 國子監博士五人 助教五人 直講四人 五經博士各二人 太學博士六人 助教六人 廣文館博士

四人 助教二人 四門館博士六人 助教六人 直講四人 律學博士三人 助教一人 書學博士二人 助教

一人 算學博士二人 助教一人

少府監

監一人 少監二人 掌百工技巧之政丞六人 主簿二人 錄事二人 武德初廢 監以諸署隸太府

寺貞觀元年復置 龍朔二年改曰內府 監武后曰尚方監 中尚署令一人 丞二人 監作四人 左尚署令一

人 丞五人 監作六人 丞二人 右尚署令二人 丞四人 監作六人 織染署令一人 丞二人 監作六人 丞諸治監令各

一人丞各一人監作四人 諸鑄錢監監各一人副各
二人丞各一人監事各一人 互市監每監監一人丞
一人

將作監

監二人少監二人掌土木工匠之政丞四人主簿二人錄事二人武德初改令曰大匠少令曰

少匠龍朔二年改曰繕工監大匠曰大監少匠曰少監
咸亨二年曰營繕監天寶十一載改大匠曰大監少匠
曰少監 左校署令二人丞一人監作十人 右校署
令二人丞三人監作十人 中校署令一人丞三人監
事十人 甄官署令一人丞二人監作四人 百工就
谷庫谷斜谷太陰伊陽監各一人副監一人丞一人監
作四人

蕙田案通典咸亨元年復舊光宅元年改為

營繕監神龍元年復舊大匠一人少匠二人

唐志俱失載

軍器監

監一人掌繕甲弩以時輸武庫丞一人主簿一人錄事一人開元以前軍器皆出左尚署三年

置監十一年廢為甲弩坊隸少府十六年復為監弩坊署令一人丞二人監作二人甲坊署令一人丞一

人監作二人

都水監

使者二人掌川澤津梁渠堰陂池之政丞二人主簿一人武德初廢都水監為署貞觀六年復

為監改令曰使者龍朔二年改曰司津監使者曰監武后改曰水衡監使者曰都尉開元二十五年不隸將作

監有錄事一人河隄謁者六人

河渠署令一人丞一人諸津令各一人丞二人

十六衛

左右衛

上將軍各一人大將軍各一人將軍各一人掌宮禁宿衛凡五府及外府

皆總制焉武德五年改左右翊衛曰左右衛改左右翊衛曰左右驍衛府左右屯衛曰左右威衛左右禦衛
曰左右領軍衛左右備身府曰左右府唯左右武衛府
左右監門府左右候衛仍隋不改顯慶五年改左右府
曰左右千牛府龍朔二年左右衛府驍衛府武衛府皆
省府宇改左右威衛曰左右武威衛左右領軍衛曰左
右戎衛左右候衛曰左右金吾衛左右監門府曰左右
監門衛左右千牛府曰左右奉宸衛後又曰左右千牛
衛咸亨元年改左右戎衛曰領軍衛武后光宅元年改
左右驍衛曰左右武威衛左右武衛曰左右鷹揚衛左右
威衛曰左右豹韜衛左右領軍衛曰左右玉鈐衛貞元
二年初置十六衛上將軍長史各一人錄事參軍事各
一人倉曹參軍事各二人兵曹參軍事各二人騎曹參
軍事各一人曹曹參軍事各一人奉車都尉有其名

而無其人駙馬都尉無定員司階各二人中候各三人
司戈各五人執戟各五人長上各二十五人親衛府
一勳衛府二翊衛府二凡五府每府中郎將一人左右
郎將一人兵曹參軍事各一人校尉各五人每校尉有
旅帥二人每旅帥有隊正
左右驍衛將軍同左右衛上
二十人副隊正二十人

同左右衛無奉車駙馬都尉無親衛勳衛而有翊衛

左右武衛

同

左右威衛

同上

左右領軍衛

同上

左右金吾衛

掌宮中京城巡警
烽候道路水草之

宜官同上又有左右衛使各一人判官各二人

左右監門衛

掌諸門禁衛及
門籍官同左右

驍衛惟省倉曹騎曹

左右千牛衛

掌侍衛及供御兵仗
官同左右監門衛

諸衛折衝都尉府

每府折衝都尉一人掌領屬備宿衛
師役則總戎左右果毅都尉各一人

別將各一人長史各一人兵曹參軍事各一人校尉五
人旅帥十人隊正二十人副隊正二十人武德元年改
鷹揚郎將曰軍頭鷹擊郎將曰府副又改軍頭曰驃騎
將軍府副曰車騎將軍皆為府諸率府置驃騎將軍五
人車騎將軍十人二年以車騎將軍府隸驃騎府置十
二軍分關內諸府皆隸焉六年廢七年復驃騎將軍府
為統軍府車騎將軍為別將八年復置十二軍貞
觀十年改統軍府曰折衝都尉別將曰果毅都尉

蕙田案唐初兵皆隸折衝府而番上則諸衛

領之

左右羽林軍

大將軍各一人將軍各三人掌統北衙禁
兵督攝左右廂飛騎儀仗長史錄事參軍

事倉曹參軍事兵曹參軍事胄曹參軍事各一人司
各二人中候各三人司戈各五人執戟各五人長上各

十人 左右翊衛中郎將府中郎將一人左右中郎一
人左右郎將一人兵曹參軍事一人校尉五人旅帥十

人隊正二十人 左右龍武軍大將軍各一人統軍各
副隊正二十人 左右神武軍大將軍各一人掌同羽

林長史以下同左右 左右神武軍大將軍各一人統
羽林軍惟不領翊衛 左右神武軍大將軍各一人將

入總衛前射生兵長史 左右神策軍大將軍各一人
以下同左右龍武軍 左右神策軍大將軍各一人將

軍各四人掌衛兵及內外八鎮兵護軍中尉各一人中
護軍各一人判官各三人都勾判官二人勾覆官各一

人表奏官各一人支計官各一人孔目官各
二人驅使官各二人長史以下如龍武軍

蕙田案唐之禁軍分南北衙南衙則十六衛

是也北衙則羽林諸軍是也神策軍之名始

於肅代以後中官權重者領之謂之天子禁軍非他軍比兵柄下移宦豎專政其由來漸矣左右龍武左右神武左右神策號六軍德宗又置神威軍併羽林龍武神武神策總曰左右十軍

東宮官 太子太師太傅太保 少師少傅少保

各一人

太子賓客

四人掌侍從規諫贊相禮儀

侍讀

無常員掌講導經學

詹事府

太子詹事一人少詹事一人掌統三寺十率府之政丞二人主簿一人司直一人龍朔二年曰端尹府詹事曰

端尹少詹事曰少尹武后光宅元年改
曰宮尹府詹事曰宮尹少詹事曰少尹

左春坊

左庶子二

人中允二人掌侍從贊相駁正啟奏司議郎二人左諭
德一人左贊善大夫五人錄事二人主事三人崇文

館學士二人校書郎二人典司經局洗馬二人文學三
人校書四人正字二人典膳局郎二人丞二人藥

藏局郎二人丞二人內直局郎二人丞二人
典設局郎四人丞二人宮門局郎二人丞二人右

春坊右庶子二人中舍人二人掌侍從獻納啟奏太子
舍人四人通事舍人八人右諭德一人右贊善大

夫五人錄事一
人主事二人

蕙田案左右春坊即隋之門下典書二坊也

梁徐摛為太子宮官文體既別春坊皆效之

則春坊之名固不始於唐矣後周王褒皇太子箴春宮養德秋坊通夢似春坊之外又有名秋坊者然別無可攷

又案左春坊以比門下省庶子比侍中中允比門下侍郎司議郎比給事中贊善大夫比諫議大夫諭德比散騎常侍右春坊以比中書省庶子比中書令中舍人比中書侍郎龍朔中又改司經局為桂坊比御史臺不隸於

左坊咸亨二年復舊

家令寺

家令一人掌飲膳倉儲丞二人主簿一人龍朔二年改宮府寺食官署令一人丞二人典

倉署令一人丞二人司藏署令一人丞二人

率更寺

令一人掌宗族次序禮樂刑罰及漏刻之

政丞一人主簿一人龍朔二年改曰司更寺

僕寺

僕一人掌車輿乘騎儀仗喪葬丞一人主簿一

人廐牧署令一人丞二人典乘四人

太子左右率府

率各一人副率各二人掌兵仗儀衛武德五年改左右侍率曰左右衛率府左

右武侍衛率曰左右宗衛率府左右宮門將曰左右監門率府龍朔二年改左右衛率府曰左右典戎衛左右

宗衛率府曰左右司禦率府左右虞候率府曰左右清道衛左右內率府曰左右奉裕衛左右監門率府曰左

右崇掖衛武后垂拱中改左右監門率府曰左右鶴禁衛神龍元年改左右司禦率府曰左右宗衛府左右清道衛曰左右虞候率府景雲二年左右宗衛府復曰左右司禦率府開元初左右虞候率府復曰左右清道率府長史各一人錄事參軍事倉曹兵曹胄曹騎曹參軍事各一人司階各一人中候各二人司戈各二人執戟各三人散長上各十人親府勳府翊府三府每府中郎將各一人左右郎將各一人兵曹參軍事各一人校尉各五人旅帥各十人

太子左右司禦率府

掌同左右衛設官亦

同惟無散長上

太子左右清道率府

掌晝夜巡警官同上

太子左右

監門率府

率各一人副率各二人掌諸門禁衛長史各一人錄事參軍事兵曹參軍事無領倉曹胄

曹參軍事各一人監門直長七十八人

太子左右內率府

率各一人副率各一人掌

千牛供奉之事長史錄事諸曹參軍同監門率府千牛各四十四人

王府官

傳一人 諮議參軍事一人 友一人 侍讀無定員 文學一人 東西閭祭酒各一人 以上為王官長

史一人 司馬一人 掾屬各一人 主簿一人 記室參軍事二人 錄事參軍事一人 功曹倉曹戶曹兵曹騎曹法曹

士曹參軍事各一人 參軍事二人 行參軍事四人 典籤二人 以上為府官 親事府典軍二人 行參軍事二人 校

尉五人 旅帥隊正隊副視親事多少乃置 帳內 府典軍二人 副典軍二人 校尉以下與親事府同

親王國

令一人 食官長丞各一人 尉一人 廐牧長丞各二人 典府

長丞各二人

公主邑

司令一人 丞一人 主簿一人 錄事一人 主

天下兵馬元帥

副元帥

都統

副都統

元帥都統
招討使掌

征伐兵罷則省行軍長史行軍司馬行軍左司馬行軍
右司馬判官掌書記行軍參謀前軍兵馬使中軍兵馬

使後軍兵馬使中
軍都虞候各一人

節度使

副大使知節度事

各一人
人提

軍旅顯誅殺行軍司馬副使判官支使掌書記推官巡
官衙推各一人同節度副使十人館驛巡官四人府院

法直官要籍逐要親事各一人隨軍四人節度使封郡
王則有奏記一人兼觀察又有判官支使推官巡官衙

推各一人又兼安撫使則有副使判官各一人兼支度
營田招討經畧使則有副使判官各一人支度使復有

遣運判官巡官各一人京兆河南牧大都督大都護皆
親王遙領兩府之政以尹主之大都督府之政以長史

主之大都護府之政以副大都護主之副大都護則兼
王府長史其後有持節為節度副大使知節度事者正

節度也諸王拜節度大使者皆留京師

觀察使

一人掌察所部善惡舉大綱副使支使判官掌書記推官巡官衙推隨軍要籍進奏官各一人

貞觀初遣大使十三人巡省天下諸州水旱則遣使有巡察安撫存撫之名神龍中有十道巡察使景雲二年置都督二十四人揚益并荆四州為大都督中下都督各十尋以權重罷之唯四大都督府如故置十道按察使開元二年曰十道按察採訪處置使四年罷八年復置十道按察使十年又罷十七年復置二十年曰採訪處置使分十五道天寶末又兼黜陟使乾元元年改曰觀察處置使

蕙田案按察使之名起於此然唐時兼領一

道權寄之重亞於節度非專以刑名為職今

之按察使則宋提點刑獄之任也

團練使

一人副使判官推官巡官衙推各一人

防禦使

一人副使判官巡官各一人

西都東都北都牧各一人

西都東都北都鳳翔成都河

中江陵興元興德府尹

各一人掌宣德化歲巡屬縣少尹二人司錄參軍事二人錄事

四人功曹倉曹戶曹田曹兵曹法曹士曹參軍事各二人參軍事六人六府錄事參軍事以下減一人文學一

人醫學博士一人

大都督府

都督一人掌督諸州兵馬甲械城隍鎮戍糧稟長史一人司馬二人錄事參軍事一人錄

事二人功曹倉曹戶曹田曹兵曹法曹士曹參軍事各一人參軍事五人市令一人文學一人醫學博士一人中都督下都督府俱有別駕一人減司馬一人中府參軍事四人下府二人武德初邊要之地置總管以統軍加號使持節有行臺有大行臺七年改總管曰都督總十州者為大都督貞觀二年去大字凡都督府有刺史以下如故然大都督又兼刺史而不檢校州事其後都督加使持節則為將諸將亦通以都督稱唯朔方猶稱大總管邊州別置經畧使有屯田之州則置營田使安祿山反諸郡當賊衝者皆置防禦守捉使乾元二年置團練守捉使都團練守捉使

大都護府

大都護一人副大都護一人掌統諸蕃撫慰征討副都護二人長史一人司馬一人錄事

參軍事一人錄事二人功曹倉曹戶曹兵曹法曹參軍事各一人參軍事三人都護府都護一人副都護以下

員數
同

上州刺史

一人職同牧守別駕一人長史一人司馬一人錄事參軍事一人錄事一人司功司倉司

戶司田司兵司法司士參軍事各一人參軍事四人市令一人丞一人人文學一人醫學博士一人中州下州錄

事各一人中州參軍事三人下州二人

諸軍使

各一人五千人以上有副使一人萬人以上有營田副使一人軍皆有倉兵曹三曹參軍事刺

史領使則置副使推官衙官州衙推軍衙推

京縣令

各一人丞二人主簿二人錄事二人尉六人畿縣丞主簿各一人尉二人

上縣令

一人丞主簿各一人尉二人中縣下縣尉一人

上鎮將

一人鎮副二人倉曹兵曹參軍事各一人中下鎮減鎮副一人不置倉曹每鎮又有使一人副

使一人又有司馬

上戍主

一人戍副一人中下戍不置副

五嶽四瀆令

各一人掌祭祀

上關令

一人掌禁未游察姦慝二人中下關減丞一人

右唐官制

宋史職官志宋承唐制三師三公不常置宰相不專任三省長官尚書門下並列于外又別置中書禁中是為

政事堂與樞密對掌大政天下財賦內庭諸司中外筦庫悉隸三司中書省但掌冊文覆奏考帳門下省主乘輿八寶朝會板位流外考較諸司附奏挾名而已臺省寺監官無定員無專職悉皆出入分洩庶務故三省六曹二十四司類以他官主判雖有正官非別勅不治本司事事之所寄十亡二三故中書令侍中尚書令不預朝政侍郎給事不領省職諫議無言責起居不記注中書常闕舍人門下罕除常侍司諫正言非特自供職亦

不任諫諍至于僕射尚書丞郎員外居其官不知其職者十常八九其官人受授之別則有官有職有差遣官以寓祿秩叙位著職以待文學之選而別為差遣以治內外之事其次又有階有勳有爵故仕人以登臺閣升禁從為顯宦而不以官之遲速為榮滯以差遣要劇為貴途而不以階勳爵邑有無為輕重時人語曰寧登瀛不為卿寧抱槩不為監虛名不足以砥礪天下若此外官則懲五代藩鎮專恣頗用文臣知州復設通判以貳

之階官未行之先州縣守令多帶中朝職事官外補階官既行之後或帶或否視是為優劣大凡一品以下謂之文武官未常參者謂之京官樞密宣徽三司使副學士諸司而下謂之內職殿前都校以下謂之軍職外官則有親民釐務二等而監軍巡警亦比親民此其槩也神宗元豐三年八月下詔肇新官制省臺寺監領空名者一切罷去而易之以階九月詳定所上寄祿格會明堂禮成近臣遷秩即用新制而省臺寺監之官各還所

職矣五年省臺寺監法成六年尚書新省成帝親臨幸
召六曹長貳以下詢以職事因誡勅焉自元祐以後漸
更元豐之制二府不分班奏事樞密加置僉書戶部則
不令右曹專典常平而總於其長起居郎舍人則通記
起居而不分言動館職則增置校勘黃本凡此皆與元
豐稍異也其後蔡京當國首更開封守臣為尹牧由是
府分六曹縣分六案又內侍省職悉倣機延之號已而
脩六尚局建三衛郎又更兩省之長為左輔右弼易端

揆之稱為太宰少宰是時員既濫冗名且紊雜其著走
馬承受升擁使華苗冠道流亦濫朝品元豐之制至此
大壞建炎中興參酌潤色因呂頤浩之請左右僕射並
同中書門下平章事兩省侍郎改為參知政事三省之
政合乎一乾道八年又改左右僕射為左右丞相刪去
三省長官虛稱道揆之名遂定然維時多艱政尚權宜
御營置使國用置使脩政局置提舉軍馬置都督並以
宰相兼之總制司理財同都督督視理兵並以執政兼

之因事叛名殊非經久惟樞密本兵與中書對掌機務
號東西二府命宰相兼知院事建炎四年實用慶厯故
典其後兵興則兼樞密使兵罷則免至開禧初始以宰
臣兼樞密為永制當多事時諸部或長貳不並置或併
郎曹使相兼之惟吏部戶部不省不併兵休稍稍增置
其後詔非曾任監司守臣不除郎官著為令又增館閣
員廣環衛官蓋自元祐以逮政和已未嘗拘乎元豐之
舊中興若稽成憲二者並行而不悖故凡大而分政任

事之臣微而筦庫監局之官沿襲不革者皆先後所同便也或始叛而終罷或欲革而猶因則有各當其可者焉

三師三公

宋承唐制以太師太傅太保為三師太尉司徒司空為三公為宰相親王使相加官其特

拜者不預政事皆赴上於尚書省凡除授則自司徒遷太保自太傅遷太尉若太師則為異數惟趙普文彥博方特拜焉政和三年罷太尉司徒司空以太師太傅太保為三公為真相之任仍立三孤少師少傅少保亦稱三少為次相之任而蔡京以三公任真相宣和末三公至十八人三少不計冗濫甚矣南渡紹熙以後三公未嘗備官其後韓侂冑史彌遠賈似道專政皆至太師

蕙田案自漢以來太尉司徒司空並為三公之官亦曰三司而周官之三公則號為三師政和中詔以司徒司空周六卿之官太尉秦主兵之任皆非三公遂命罷之而復周官公孤之名其見卓矣

宰相

宋承唐制以同平章事為真相無常員有二人則分日知印上相為昭文館大學士監修國史其次

為集賢殿大學士或置三相則昭文集賢二學士與監修國史各除神宗新官制以侍中中書令尚書令官高不除而以尚書左右僕射為宰相左右僕射兼門下侍郎行侍中之職右僕射兼中書侍郎行中書令之職政和

中改為左右僕射為太宰少宰仍兼兩省侍郎靖康中復改為左右僕射建炎三年詔左右僕射並加同中書門下平章事改門下中書侍郎為參知政事廢尚書左右丞乾道八年改左右僕射為左右丞相

葉氏夢得曰本朝沿習唐制官制行始用六典別尚書門下中書為三省各以其省長官為宰相則侍中中書尚書令是也既又以秩高不除故以尚書令之貳左右僕射為宰相而左僕射兼門下侍郎以行侍中之職右僕射兼中書侍郎以行中書令之職而別置侍郎以佐之則三省互相兼矣然左右僕射既為宰相則凡命令進擬未有不由之出者而左右僕射又為之長則出令之職自己身行尚何省而覆之乎方其進對執政無不同則所謂門下侍郎者亦預聞之矣故批旨皆曰三省同奉聖旨既已奉之而又審之亦無是理門下省事惟有給事中封駁而已未有左僕射與門下侍郎自駁已奉之命者則侍中侍郎

所謂省審者殆成虛文也元祐間議者以詔令稽留吏員冗多徒為重複因有併廢門下省之意後雖不行然事有當奏稟左相必批送中書右相將上而右相有不同往往或持之不上或退送不受左相無如之何侍郎無所用力事權多在中書自中書侍郎遷門下侍郎雖名進其實皆未必樂也

馬氏端臨曰以宰相而兼他官本非令典唐制所謂反輕宰相之體是也然時方用兵則兼節度使崇儒學則為大學士急財用則為鹽鐵轉運使蓋以國方重其事而以宰相提綱則下不敢以泛泛之司存視之猶有說也至於三省則俱為政本之地無所不統長官則宰相所謂中書門下同平章事是也佐官則參知政事是也今元豐改官制既以中書門下同平章事為左右僕射參知政事為中書門下侍郎尚書左右丞矣而復以左僕射兼門下侍郎右僕射兼中書侍郎則是既自有佐官而復以長官兼之贅疣

甚矣蓋神宗必欲復唐三省之職而蔡確以有中書造命之說已為次相兼中書侍郎王珪為首相兼門下侍郎實欲陰擯珪於門下使不得與造命取旨之事苟以便其專政之私而不復顧體統名稱之不順也

蕙田案丞相之名始於秦而漢因之哀帝改為大司徒自後不置魏晉以後或置或否居之者多非尋常人臣之職隋唐五代及北宋俱無丞相之名南渡復置左右丞相明初始廢

平章軍國重事

元祐中置

使相

親王樞密使留守節度使兼侍中中書令同平章事者皆謂之使相不預政事不書敕惟宣敕除授

者救尾存其銜而已

馬氏端臨曰宰相者總百官弼天子既不當儕之他官而其上則不當復有貴官矣自唐開元以來郭元振李光弼相繼以平章事為節度使謂之使相而宰相之職儕於他官自此始自宋元祐以後文潞公呂申公相繼以平章軍國重事序宰臣上而宰相之上復有貴官自此始然郭李以勲臣名將為之宜也自此例一開於是田承嗣李希烈之徒俱以節鎮帶同平章事者非一人極而至於王建馬殷錢鏐之輩蠶起盜地者皆欲效之蓋鄙他官而不為而必欲儕於宰相以自附於郭李則唐中葉以後所謂平章者如

此文呂以碩德老臣為之宜也自此例一朝赴都堂
京王黼相繼以太師總知三省事三日一朝赴都堂
治事以至於韓侂胄賈似道擅權專政之久者皆欲
效之蓋卑宰相而不屑為而必求加於相以自附於
文呂則宋中葉以後所謂平章者如此蓋平章之始
立名也本非甚尊之官及其久也則強藩之竊地者
為之權臣之擅政者為之蓋雖
官極尊而居之者多非其人矣

參知政事

乾德二年置以副宰相不押班不知印不升
政事堂開寶六年詔參政於都堂與宰相同

議政事至道元年詔宰相與參政輪班知印同升政事
堂押勅齊衙行則並馬元豐新官制廢參知政事以門
下中書二侍郎尚書左右丞代之建炎三年
復門下中書侍郎為參知政事而省左右丞

門下省

受天下之成事審命令駁正違失國初以中書
門下平章事為宰相復用兩制官一員判門下

省事官制行始釐正焉凡官十有一侍中侍郎左散騎
常侍各一人給事中四人左諫議大夫起居郎左司諫
左正言各一人侍中掌佐天子議大政審中外出納
之事國初以秩高罕除自建隆至熙寧真拜侍中纔五
人官制行以左僕射兼門下侍郎行侍中職別置侍郎
以佐之南渡省侍中不置侍郎掌貳侍中之職省中
外出納之事與知樞密院同知樞密院中書侍郎尚書
左右丞並為執政官南渡省不置左散騎常侍左諫
議大夫左司諫左正言同掌規諫諷諭國初置諫院知
院官凡六人以司諫正言充職而他官領者謂之知諫
院正言司諫亦有領他職而不預諫諍者官制行始皆
正名給事中掌讀中外出納及判後省之事若政令
失當除授非人則論奏而駁正之故事詔旨付銀臺司
封駁官制行給事中始正其職而封駁司歸門下起
居郎掌記天子言動舊置起居院命三館校理以上修
起居注官制行改修注為郎舍人元豐六年詔左右史

分記言動元祐元年仍詔不分符寶郎二人掌外廷符寶之事通進司進奏院俱隸給事中舊為通進銀

臺司登聞檢院隸諫議大夫登聞鼓院隸司諫正言中興後檢鼓糧審官官告進奏謂之六院

中書省

掌進擬庶務宣奉命令設官十有一令侍郎右散騎常侍各一人舍人四人右諫議大夫起居

舍人右司諫右正言各一人舍人四人右掌佐天子議大政授所行命令而宣之國朝未嘗真拜官制行以右僕射兼

中書侍郎行令之職別置侍郎以佐之中興省令不置侍郎掌貳令之職叅議大政南渡省不置中書舍

人掌行命令為制詞分治六房國初為所遷官實不任職復置知制誥及直舍入院與學士對掌內外制官制

行始正名而判後省之事起居舍人掌同起居郎右散騎常侍右諫議大夫右司諫右正言與門下省同

但左屬門下右屬中書通謂之兩省官中興初詔諫院不隸兩省紹興二年詔並依舊檢正官五房各一人

掌糾正
省務

葉氏夢得曰元豐既新官制四十年間職事官未有不經除者惟御史大夫左右散騎常侍至今未嘗除人蓋兩官為臺諫之長非宰執所利故無有啟之者

尚書省

掌施行制命舉省內綱紀程式六部皆隸焉設官九令左右僕射左右丞左右司郎中員外郎

各一人令掌佐天子議大政奉所出命令而行之自建隆以來不除政和二年詔不復置宣和七年復置亦無除者南渡後並省左右僕射掌貳令之職與三省長官皆為宰相官制行以左右僕射兼門下侍郎右僕射兼中書侍郎行侍中中書令事政和中改左僕射為太宰右僕射為少宰靖康元年復舊南渡後置左右丞相省僕射不置左右丞掌通治省事貳令僕射之職舊班六曹尚書下官制行升其秩為執政南渡省不置

左右司郎中員外郎掌分治六曹之事左司治吏戶禮
右司治兵刑工建炎中詔減左右司郎官二員置中書
門下檢正諸房公事二員次年復舊 權賀務都茶場
提轄官一員監場官二員與雜買務雜賣場文思院左
藏東西庫提轄並稱四轄 左藏
封樁庫監官一員監門官一員

洪氏邁容齊隨筆中書尚書令在西漢時為少府官
屬與太官湯官上林諸令品秩畧等侍中但為加官
在東漢亦屬少府而秩稍增尚書令為千石然銅印
墨綬雖居機要而去公卿甚遠至或出為縣令魏晉
以來浸以華重唐初遂為三省長官居真宰相之任
猶列三品大歷中乃升正二品入國朝其位益尊叙
班至在太師之上然只以為親王及使相兼官無單
拜者見任宰相帶侍中者才五人范魯公質趙韓王
普丁晉公謂馮魏公拯韓魏王琦尚書令又最貴除
宗王外不以假人趙韓王韓魏王始贈真令韓公官

止司徒及贈尚書令乃詔自今更不加贈蓋不欲以三師之官贊其稱也政和初蔡京改侍中中書令為左輔右弼而不置尚書令以為太宗皇帝曾任此官殊不知乃唐之太宗為之故郭子儀不敢拜非本朝也

蕙田案侍中中書令尚書令魏晉以後為樞機之職比於宰相隋唐定為真相宋初因之以其秩高不輕授人多為宗王宰輔加官及贈官而已南渡以後俱廢元初耶律楚材嘗為中書令其後但以東宮領之至尚書令及

侍中更不復置矣明建文中嘗置侍中在尚

書下侍郎上名同而職異尋廢

樞密院

掌軍國機務出納密命宋初以樞密院與中書對持文武二柄號為二府神宗初政省其務之

細者歸之

有司增置審官西院領閣門祇候以上至諸司使差遣官制行隨事分隸六曹而樞府專以本兵為

職

樞密使知院事佐天子執兵政而同知院事副使簽書院事為之貳國初官無定制有使則置副有知院

則置同知院

資淺則用直學士簽書院事熙寧元年知院與副使並置元豐改官制議者欲廢密院歸兵部帝

曰祖宗不以兵柄歸有司故專命官以統之互相維制何可廢也於是得不廢定置知院同知院二人副使悉

罷元祐初復置簽書同簽書徽宗朝又有領樞密院事中興復置樞密使多以宰相兼之使與知院同知副使

亦或並除其簽書同簽書並為端明殿學士恩數特依執政或以武臣為之都承旨副都承旨舊用院吏遞遷其後或用文臣或武臣為之檢詳官熙寧中置視中書檢正官元豐新制罷之中興復置計議官四員編修官隨事置無定員主管三省樞密院架閣文字一員三省樞密院激賞庫三省樞密院激賞酒庫監官各二人

馬氏端臨曰樞密之名始於唐代宗寵任宦者故置內樞密使使之掌機密文書如漢之中書謁者令是也若內中處分則令內樞密使宣付中書門下施行則其權任已侔宰相至僖昭間楊復恭西門季元之

徒遂至於視事行文書矣昭宗天復元年既誅劉季述乃勅近年宰相延英奏事樞密院侍側爭論紛然既出又稱上旨未允復有改易撓權亂政自今並依大中舊制俟宰相奏事畢方得升殿承受公事蓋當時所謂樞密使者專橫如此朱梁懲唐敝不用宦者然徒知宦者之不可用而不知樞密院之不必存也乃復改為崇政院以敬翔為使至後唐而復樞密院郭崇韜安重誨相繼領其事皆腹心大臣則是宰相

之外復有宰相三省之外復有一省矣宋興始以樞密與中書對持文武二柄號稱二府然後樞密院之設始專有職掌不為贅疣然祖宗時樞密院官雖曰掌兵亦未嘗不兼任宰相之事景德四年中書命秘書丞楊士元通判鳳翔府樞密院命之掌內香藥庫兩府不相知宣勅各下乃詔自今中書所行事關軍機及內職者報樞密院樞密院所行關民政及京朝官者報中書是樞密院得以預除授之事也又是年

命宰臣王旦監修兩朝正史知樞密王欽若陳堯叟
叅知政事趙安仁並修國史是樞密院可以預文史
之事也至慶歷以後始以宰相兼樞密使及元豐官
制行欲各正其名遂不復兼乃詔釐其事大小大事
三省與樞密院同議進呈畫旨稱三省樞密院同奉
聖旨三省皆同簽書付樞密院行之小事樞密院獨
取旨行訖關三省每朝三省樞密先同對樞密院退
待於殿廬三省始留進呈三省事退樞密院再上進

呈獨取旨遂為定例然熙寧初以司馬溫公為樞密副使公以言新法不見聽力辭上使人謂之曰樞密兵事也官各有職不當以他事辭其時文潞公亦在樞府雖持正論終不能抑新法之行至哲宗初即位蔡確為相溫公為門下侍郎章惇知樞密院溫公欲復差役法而確言此大事當與樞密院同議取旨惇果駁溫公所言然則樞密院雖可以參謀三省之事而又在所以委任之者如何溫公潞公當熙寧之時

與國論不合則欲其專任本兵不預他事蔡確當元祐之初欲引章惇以自助則欲其共立異議陰排正人至紹聖以後則兩府皆憚人附會紹述更無異議亦不復聞以文馬之儔參錯其間矣

洪氏邁容齋隨筆國朝樞密之名其長為使則其貳為副使其長為知院則其貳為同知院如柴禹錫知院向敏中同知及曹彬為使則敏中改副使王繼英知院王旦同知繼馮拯陳堯叟亦同知及繼英為使拯堯叟乃改簽書院事而恩例同副使王欽若陳堯叟知院馬知節簽書及王陳為使知節遷副使其後知節知院則任中正周起同知惟熙寧初文彥博呂公弼已為使而陳升之過闕留王安石以升之曾再

入樞府遂除知院知院與使並置非故事也安石之意以沮彥博耳紹興以來唯韓世忠張俊為使岳飛為副使此後除使固多而其貳只為同知亦非故事也又使班視宰相而乾道職制雜歷令副使反在同下知之

蕙田案熙寧以後有提舉修敕令制置三司條例司三司會計司編修條例經撫房提舉講議司儀禮局禮制局南渡則有御營使提舉修政局制國用使都督諸路軍馬編修敕令所皆以宰執兼領因事叛名未久遽罷今

皆畧之

宣徽院

宣徽南院使北院使掌總領內諸司及三班內侍之籍郊祀朝會宴饗供帳之儀二使共院而

各設廳事故事與叅知政事樞密副使同知樞密院事以先後入叙位熙寧四年詔位叅政樞密副使同知樞密院事行罷宣徽院以職事分隸省寺而使號猶存紹聖三年罷自後不復置

三司使

國初沿五代之制置三司使號曰計省位亞執政太平興國八年分置鹽鐵度支部三使淳

化四年復置使一員總領三部又分天下為十道在京東曰左計京西曰右計置使二員分掌俄又置總計使判左右計事左右計使判十道事五年罷十道左右計使復置三部使咸平二年罷三部使復置三司一員三司副使三部各有孔目官一入都勾押官一人勾覆官司人又有都磨勘司都主轄支收司拘收司都理欠司

都憑由司開折司發放司勾鑒司催驅司受事司衙司
管轄官勾當公事官三司推勘公事勾當諸司馬步軍
糧料院官勾當馬步軍專勾司
官元豐官制罷三司並歸戶部

翰林學士院

翰林學士承旨翰林學士知制誥掌制誥
詔令撰述之事承旨不常置以學士久次

者為之凡他官入院未除學士謂之直院學士俱闕他
官暫行院中文書謂之權直淳熙五年敦詩再入院議者以翰
省正字兼翰林權直淳熙五年敦詩再入院議者以翰
林乃應奉之所非專掌制誥之地更為學士院權直後
復稱翰林權直
然亦互除不廢

翰林侍讀學士

太宗初呂文仲為侍讀真宗咸平二年
以楊徽之夏侯驕並為翰林侍讀學士

始建學士之職元豐官制廢翰林侍讀侍講學士但以
為兼官然必侍從以上乃得兼之其秩卑資淺則為說

書歲春二月至端午日秋八月至長至日遇隻日入侍
通英閣輪官講讀元祐七年復增學士之號元符元年
省去建炎元年詔特差翰林侍講學士咸平二年以
侍從官四員充講讀官

翰林侍講學士

邢昺為侍講

學士故事兩省臺端以上兼侍講或以庶官兼之蓋殊
命也元豐以後多以宮觀兼侍讀南渡後臺諫多兼讀
講者

崇政殿說書

仁宗景祐元年命賈昌朝等為崇政
殿說書後為庶官兼經筵者之稱

觀文殿大學士學士

學士之職資望極峻無吏守無職
事惟出入侍從備顧問而已觀文

殿即舊延恩殿仁宗時更名皇祐元年置大學士詔今
後須曾任宰相乃除宋初有文明殿學士仁宗時改為

紫宸殿學士又改觀文殿
學士非曾任執政者不除

資政殿大學士學士

資政
殿在

龍圖閣之東序景德二年特置學士在翰林學士下尋
置大學士班文明殿學士下翰林學士承旨上康定中

大學士置二員學士三員

端明殿學士

端明殿即西京正衙殿也後唐置學士班翰林學士

上宋初為文明殿學士後改紫宸又改觀文明道二年復置端明殿學士在翰林學士之下以待學士之久次者亦或以執政為之

龍圖閣學士直學士待制

大中祥符中建以奉太宗御書御製文集學士班樞密直

學士上直學士班樞密直學士下待制班知制誥下

天章閣學士直學士待制

天禧四年建仁宗即位以奉真宗御製學士罕以命入仁宗世纔王贊一人秦堪自顯謨閣進直天章閣以稱

呼非便改龍圖自是天章不為帶職

寶文閣學士直學士待制

舊曰壽昌閣改

今名以藏仁宗御集

顯謨閣學士直學士待制

元符元年置藏神宗御集後改

熙明閣尋復舊位序在寶文閣學士直學士待制下

徽猷閣學士直學士待制

大觀二年建藏哲宗御集

敷文閣學士直學士待制

紹興十年置藏徽宗聖製

煥章閣學士直學士待制

淳熙初建藏高宗御製

華文閣學

士直學士待制

慶元二年置藏孝宗御製

寶謨閣學士直學士待

制

嘉泰二年置藏光宗御製

寶章閣學士直學士待制

寶慶二年置藏寧宗

御製

顯文閣學士直學士待制

咸淳元年置藏理宗御製

集英殿修撰

宋初有集賢殿修撰直龍圖閣直祕閣三等政和六年置集英殿修撰下待制一等

右文殿修撰

紹聖二年易集賢殿學士為修撰政和六年改名右文次於集英殿為貼職之

高

祕閣修撰

政和六年置以待館閣之資

直龍圖

閣

祥符九年始置直閣凡館閣久次者必選直龍圖閣

皆為擢待制之基也中興後凡直閣為庶官任藩閫

直祕閣

國初以史館昭

監司者貼職隨高下而等差

之直天章閣至顯文閣並同

三館皆寓崇文院太宗於崇文院中堂建祕閣以右司

諫直史館宋泌為直祕閣直館直院則謂之館職以他

官兼者謂之貼職元豐以前凡狀元制科一任還即試

詩賦各一而入否則用大臣薦而試謂之入館官制行

廢崇文院為祕書監列為職事官罷直館直院之名獨

以直祕閣為貼職皆不試而除蓋特以為恩數而已

馬氏端臨曰學士待制二官始於唐皆以處清望儒

臣俾備顧問其初既無專職亦無定員宋因其制而

以三館為儲才之地故職名尤多元豐新官制其職

名之元不附麗於三省寺監者皆從廢革然除昭文

集賢二學士元麗中書門下省外獨翰林學士一官在唐已無所係屬而最為清要故不可廢而諸學士待制則以其為三館清流未欲遽廢故以為朝臣補外加恩之官蓋有同於階官而初無職掌矣龍圖閣為儲祖宗制作之所故其官視三館自後列聖相承代代有宸奎之閣而監官亦如之於是學士直學士待制直閣之官始不可勝計矣野處譏其濫及俗吏童騷然職名既多自不容不濫施也又所謂學士直閣者尊卑不同故難槩稱如觀文為宰相資政為執政端明為簽書龍圖以下為尚書然皆學士也直龍圖煥章等閣為蕃閫監司之貼職直秘閣則卑於諸閣然皆直閣也於是捨學士直閣之名而就以所掌殿閣呼之遂有丁紫宸泰天章之稱則以為名稱非便而改以他殿閣然所謂端明龍圖顯謨敷文煥章之類亦俱非人臣之稱謂流傳既久曰某端明曰某龍圖不覺其非宜耳

蕙田案宋以翰林學士與中書舍人分典制
誥謂之兩制其侍讀侍講學士及崇政殿說
書謂之經筵殿閣諸學士待制謂之侍從直
館直閣謂之館職

東宮官

太子太師太傅太保太子少師少傅少保皆不
常設恒以待前宰執為致仕官太子賓客以

他官兼不常置太子詹事二人以他官兼中興光宗
正儲以王十朋陳良翰為之不兼他官非常制太子
左庶子右庶子左諭德右諭德仁宗以後始置或除左
虛右或除右虛左或並置太子侍讀侍講神宗升儲
始置各一人中興常並置太子中舍人舍人各一人
嘉定初除二人資善堂翊善贊讀直講說書皇太子

宮小學教授資善堂小學教授翊善以下皆舊制直講以下中興以後增置主管左右春坊事二人以內臣兼同主管左右春坊事二人以武臣兼承受官一人以內侍充太子左右衛率府率副率左右司禦率府率副率左右清道率府率副率左右監門率府率副率左右內率府率副率官存而無職司中興不置惟以監門率副率為環衛

親王府

傅長史司馬俱有其官而未嘗除諮議參軍友記室參軍王府教授小學教授俱無定數

吏部

掌文武官吏選試擬注資任銓叙蔭補考課之政令其屬三曰司封曰司勳曰考功凡官十有三尚

書一人侍郎一人郎中員外郎尚書選二人侍郎選各一人司封司勳考功各一人元祐初司封司勳各減郎

官一員

戶部

掌天下入戶土地錢穀之政令貢賦征役國初以天下財計歸三司本部無職掌止置判部事一人

元豐正官名始歸戶部其屬三曰度支曰金部曰倉部凡官十有三尚書一人侍郎二人郎中員外郎左右曹

各二人度支金部倉部各二人

禮部

掌國之禮樂祭祀朝會宴饗學校貢舉之政令舊屬禮儀院判院一人又有知院而禮部止設判部

一人元豐官制始歸禮部其屬三曰祠部曰主客曰膳部設官十尚書侍郎各一人郎中員外郎四司各一人

元祐初省祠部郎官一員以主客兼膳部紹聖改元主客膳部互置郎中兼領

兵部

掌兵衛儀仗鹵簿武舉民兵廂軍上軍蕃軍四夷官封承襲之事輿馬器械之政天下地土之圖其

屬三曰職方曰駕部曰庫部舊判部事一人元豐設官十尚書侍郎各一四司郎中員外郎各一元祐初省駕

部郎中一員以職方兼庫部紹聖改
元詔職方庫部互置郎中一員兼

洪氏容齋隨筆唐因隋置尚書置六曹吏部兵部
掌銓選文屬吏部武屬兵部自三品以上官冊授五
品以上制授六品以下勅授皆委尚書省奏擬兩部
各列三銓曰尚書銓尚書主之曰東銓曰西銓侍郎
二人主之吏居左右是為前行故兵部班級在戶刑
禮之上睿宗初政以宋璟為吏部尚書李義盧從愿
為侍郎姚元之為兵部尚書陸象先盧懷謹為侍郎
六人皆名臣二選稱治其後用人不能悉得賢然兵
部為甚其變而為三班流外銓不知自何時元豐官
制行一切更改凡選事無論文武悉以付吏部蘇東
坡元祐中拜兵書謝表云恭惟先帝復六卿之名本
欲後人識三代之舊古今殊制閑闕與宜武選隸於
天官兵政總於樞輔故司馬之職獨省文書蓋紀其
實也今本曹所掌惟諸州廩軍名籍及每大禮別書

寫蕃官加恩告雖有所轄司局如金吾街仗司驛
車輅象院法物庫儀鸞司不過每季郎官一往耳名
存實亡一
至於此

刑部

掌刑法獄訟奏讞赦宥叙復之事其屬三曰都官

曰比部曰司門設官十有一尚書一人侍郎二人

郎中

員外郎刑部各二人都官比部司門各一人國初

以刑部

覆大辟案淳化二年增置審刑院有知院及詳

議官

大中祥符三年置糾察刑獄司官制行悉罷歸刑

部元祐

元年省比部郎官一員以都官兼司門紹聖元

年詔都

官司門

互置郎

官一員

工部

掌天下城郭宮室舟車器械符印錢幣山澤苑囿

河渠之

政舊制判部事一人元豐並歸工部其屬

三曰屯田曰虞部曰水部設官十尚書侍郎各一人郎

中員外

郎四司各一人元祐元年省水部郎官一員紹

聖元年詔屯田虞部
互置郎官一員兼領

御史臺

掌糾察官邪肅政綱紀其屬有三曰臺院侍御史

御史隸焉咸平中以御史二人充左右廵使祭祀則兼
監祭使又有廊下使監香使稱曰五使元豐正官制使
名悉罷御史大夫宋初為加官不除正員新制除去
中丞一人為臺長侍御史一人殿中侍御史二人監察
御史六人其官卑而入殿中監察御史
者謂之裏行又有檢法一人主簿一人

祕書省

掌古今經籍圖書國史實錄天文術數之事監
少監丞各一人其屬有五著作郎一人著作佐

郎二人祕書郎二人校書郎四人正字二人宋初置三
館長慶門北謂之西館太平興國初於昇龍門東北
立三館書院三年賜名崇文院遷西館書貯焉東廊為
集賢書庫西廊為史館書庫天禧初以三館為額置檢

討校勘等員先是端拱二年就崇文院中堂建閣謂之
祕閣淳化元年詔置直閣校理元豐五年職事官貼職
悉罷以崇文院為祕書省官屬始有定員元祐初復置
集賢院校理自校理而上職有六等内外官並許帶五
年置集賢院學士元符二年詔職事官罷帶館職悉復
元豐官制紹興中祕書省復建史館以修神宗哲宗實
錄選本省官兼檢討校勘以待從官充修撰以宰臣提
舉監修九年詔著作局惟修日厯遇修國史則開國史
院遇修實錄則開實錄院嘉泰二年國史與實錄院並
置其會要所則以省官通任其事又有太史局鐘鼓院
筭學並屬焉

殿中省

掌供奉天子玉食醫藥服御帷幄帝輿輦舍次之
政令監少監丞各一人總尚食尚藥尚醞尚衣

尚舍尚輦六局各有典御奉御等員又置提舉六尚局
及管幹官一員又有御藥院勾當官無常員尚衣庫使

副使二人內衣物庫監官二人新衣庫監官二人朝服法物庫監官二人

太常寺

掌禮樂郊廟社稷壇壝陵寢之事卿少卿丞各一人博士四人主簿協律郎奉禮郎大祝各一

人舊制判寺及丞一人別置太常禮院雖隸本寺其實專達康定元年置判寺同判寺並兼禮院事元豐正名始專其職其屬有郊社令太廟令籍田令宮闈令太醫局大晟府

宗正寺

掌叙宗派屬籍卿少卿丞主簿各一人宋初置判寺事以宗姓充元豐官制行詔宗正長貳不

專用國姓蓋自有大宗正司以統皇族也渡江後卿不常置

大宗正司

掌糾合族屬知及同知官各一人丞二人熙寧三年以異姓朝臣知丞事

光祿寺

掌祭祀朝會宴饗酒醴膳羞之事卿少卿丞主簿各一人舊卿少卿皆為寄祿元豐制行始歸本

寺中興後廢併入禮部其屬有大官令法酒庫內酒坊
大官物料庫翰林司牛羊司牛羊供應所乳酪院外物
料庫

衛尉寺

掌儀衛兵械甲冑之政令卿少卿丞主簿各一
人舊制判寺事一人凡武庫武器歸內庫守宮

歸儀鸞司本寺無所掌元豐制行始歸本寺其屬有內
弓箭庫南外庫軍器弓槍庫軍器弩劍箭庫儀鸞司軍

器什物庫宣德樓什物庫左右金吾街司左右
金吾仗司六軍儀仗司中興後寺廢併入工部

太僕寺

掌車輅廐牧之令卿少卿丞主簿各一人所隸
官司有車輅院左右驂驥院左右天駟監鞍轡

庫養象所馳坊車營致遠務牧養上下監左右天廐坊
孳生監中興後寺廢併入兵部舊制羣牧司制置使副

鞍轡庫使副元
豐併入太僕寺

大理寺

掌折獄詳刑鞠讞之事卿一人少卿二人正二人推丞四人斷丞六人司直六人評事十有二

人主簿二人

鴻臚寺

掌四夷朝貢宴勞給賜送迎之事卿少卿丞主簿各一人其屬有往來國信所都亭西驛及管

幹所禮賓院懷遠驛中太一宮建隆觀等提點所在京寺務司提點所傳法院左右街僧錄司同文館及管勾所中興後寺廢併入禮部

司農寺

掌倉儲委積之政令卿少卿丞主簿各一人所隸倉二十五草場十二排岸司四園苑四下卸

司都麴院水磨務柴炭庫炭場中興罷寺併隸倉部後復置

太府寺

掌邦國財貨之政令卿少卿各一人丞主簿各二人所隸有左藏東西庫西京南京北京左藏

庫內藏庫奉宸庫祇候庫元豐庫布庫茶庫雜物庫糧料院審計司都商稅務汴河上下鎖蔡河上下鎖都提舉市易司市易上界市易下界雜買務雜賣場推貨務交引庫抵當所和劑局惠民局店宅務石炭場香藥庫中興寺罷併隸金部後復置

國子監

掌國子大學武學律學小學之政令舊置判監事直講丞主簿元豐官制祭酒司業丞主簿各

一人大學博士十人正錄各五人武學博士二人律學博士正各一人崇寧元年建外學于國之南設司業丞各一人博士十人正錄各五人三年詔辟雍置司成司業各二員四年改辟雍司成為大學司成總國子監及內外學士宣和三年罷三舍法悉依元豐舊制中興以國子監併禮部後復置

少府監

掌百工伎巧之政令監丞主簿各一人所隸文思院綾錦院染院裁造院文繡院舊置南

郊祭器庫監官二人太廟祭器法物庫監官二人旌節
官二人鑄印篆文官二人諸州鑄錢監監官各一人並
屬焉

將作監

掌宮室城郭橋梁舟車營繕之事監少監各一
人丞主簿各二人所隸修內司東西八作司竹

木務事材場麥趙場窰務丹粉所作坊物料庫第三
界退材場簾箔場中興以將作監併歸工部後復置

軍器監

掌監督繕治兵器什物國初戎器之職領于三
司曹案熙寧六年廢曹案乃按唐令置監以

從官總判元豐始置監少監各一人丞二人主簿一人
所隸東西作坊作坊物料庫皮角場南渡以軍器監併

工部置御前軍
器所後復置

都水監

掌內外川澤河渠津梁堤堰之事舊隸三司河
渠案嘉祐三年始置監又置局于澶州曰外監

元豐置使者一人丞二人主簿一人入元祐中復置外都水使者所隸有街道司紹興十年以監歸于工部不復置

司天監

掌察天文祥異寫造歷書監少監丞主簿春官正夏官正中官正秋官正冬官正靈臺郎保章

正挈壺正各一人元豐官制行罷司天監立太史局隸祕書省

殿前司

掌殿前諸班直及步騎諸指揮之名籍都指揮使副都指揮使都虞候各一人騎軍有殿前指

揮使內殿直散員散指揮散都頭散祇候金鎗班東西班散直鈞容直及捧日以下諸軍指揮步軍有御龍直骨朵子直弓箭直弩直及天武以下諸軍指揮諸班有都虞候指揮使有都軍使都知副都知押班御龍諸直有四直都虞候本直各有都虞候指揮使副指揮使都頭副都頭十將將虞候騎軍步軍有捧日天武左右四

廂都指揮使捧日天武左右廂各有都指揮使每軍有都指揮使都虞候每指揮有指揮使副指揮使每軍有軍使副兵馬使十將將虞候承局押官渡江後都指揮間虛不除則以主管殿前司一員任其事其屬有幹辦公事主管禁衛二員準備差遣準備差使點檢醫藥飯食各一員書寫機宜文字一員其下有統制統領將佐等分任其事

侍衛親軍馬軍

掌馬軍都指揮使都虞候各一人所領馬軍自龍

衛而下有左右四廂都指揮龍衛左右廂各有都指揮使每軍有都指揮使都虞候每指揮有指揮使副指揮使每都有軍使副兵馬使十將將虞候承局押官

侍衛親軍步軍

掌步軍諸指揮之名籍都指揮使副都指揮使都虞候各一人所領步軍自神

衛而下左右四廂
設官與馬軍同

環衛官

左右金吾衛左右衛左右驍衛左右武衛左右屯衛左右官軍衛左右監門衛左右千牛衛凡

十六衛各有上將軍大將軍將軍無定員皆命宗室為之亦為武臣贈典又為武臣責降散官諸衛又有中郎將郎將

皇城司

掌宮城出入之禁令幹當官七人三衛官三衛郎一員中郎文武各一員博士二員主簿一員

親衛府勳衛府翊衛府各有郎十員中郎十員中興初為行營禁衛府紹興元年改稱行在皇城司所隸有永井務

客省引進使

客省使副使各一人掌國信使見辭宴賜及四方進奉四夷朝覲貢獻之儀引進司

使副各一人掌臣僚
蕃國進奉禮物之事

四方館使

掌進章表使二人建炎初客省四方館併歸東上閣門皆知閣總之

東西上閣門使

掌朝會宴幸供奉贊相禮儀之事東上閣門使西上閣門使各三人副使各二

以宣贊舍人十人祇候十有二人舊制東西上閣門多以處外戚勲貴建炎初併省為一其引進司四方館併歸閣門客省

帶御器械

宋初選三班以上武幹親信者佩橐鞬御劍或以內臣為之止名御帶咸平元年改為帶

御器械

入內內侍省

內侍省

宋初有內中高品班院淳化五年改入內內班院又改入內黃

門班院又改內侍省入內內侍班院景德三年改入內
內侍省又宋初有內班院淳化五年改為黃門又改內
侍省與入內內侍省號為前後省入內內侍省有都都
知都知副都知押班內東頭供奉官內西頭供奉官內
侍殿頭內侍高品內侍高班內侍黃門內侍省有左班
都知副都知右班都知副都知押班內東頭供奉官內
西頭供奉官內侍殿頭內侍高品內侍高班內侍黃門
其官稱則有內容省使延福宮使宣政使宣慶使昭宣
使自供奉官至黃門以二百八十人為定員政和二年
改官名以通侍大夫易內容省使正侍大夫易延福宮
使中侍大夫易景福殿使中亮大夫易宣慶使中衛大
夫易宣政使拱衛大夫易昭宣使供奉官易內東頭供
奉官左侍禁易內西頭供奉官右侍禁易內侍殿頭左
班殿直易內侍高品右班殿直易內侍高班而黃門之
名如故其屬有御藥院勾當官內東門司勾當官合同
憑由司監官管勾往來國信所管勾官後苑勾當官造

作所龍圖天章寶文閣勾當軍頭
引見司勾當官翰林院勾當官

開封府

牧尹不常置權知府一人其屬判官推官四人
司錄參軍一人功曹倉曹戶曹兵曹法曹士曹

參軍各一人左右軍巡使判官各二人左右廂公事幹
當官四人崇寧三年罷權知府置牧一員尹一員少尹

二人以士戶儀兵刑工為六曹次序
司錄二員六曹各二員參軍事八員

臨安府

舊為杭州領浙西兵馬鈴轄南渡置知府一人
通判二人簽書節度判官廳公事節度推官觀

察推官觀察判官錄事參軍左司理參軍右司理參軍
司戶參軍司法參軍各一人置南北左右廂官分使臣

十員立五酒務監六都監兩總轄乾道七年皇太子領
尹事廢通判簽判職官置少尹一員判官二員推官三

員未幾
復舊

河南應天府

有牧尹少尹司錄戶曹法曹士曹尹闕則置知府事一人通判一人判官推官各一

人

次府

有牧尹少尹司錄戶曹法曹士曹司理文學助教尹闕則知府事一人通判一人

節度使

宋初無所掌其事務悉歸本州亦無定員恩數與執政同不輕授其兼中書令侍中中書門下

平章事者謂之使相元豐新制改為開府儀同三司中興諸州升改節鎮勲臣有兼兩鎮及三鎮者

承宣使

無定員舊名節度觀察留後政和七年改

蕙田案明立十三承宣布政使蓋因於此

觀察使

防禦使

團練使

諸州刺史

俱無定員

大都督府

都督府

設大都督長史左右司馬錄事參軍司戶司法司士司理文學參軍

助教凡大都督及長史闕則置知府事一人通判一人舊制都督州建官如上南渡後以現任宰相為都督次有同都督有督視軍馬多執政為之雖名稱畧同然掌總諸路軍馬督護諸將非舊制比也

制置使

多不常置掌經畫邊鄙軍旅之事中興以後置使多以安撫大使兼之地重秩高者加制置大使

位宣撫副使上或置副使以貳之開禧間江淮四川並置大使後惟四川守臣帶安撫制置使又有沿海制置使以明州守臣領之

宣諭使

掌宣諭德意不預他事歸即結罷其後使權益重有預軍政者

宣撫使

不常置掌宣布威靈撫綏邊境統護將帥以二府大臣充宣撫副使宣撫判官皆不常置

總領

四人掌措置移運應辦諸軍錢糧以朝臣充位在轉運副使上

留守

副留守

舊制天子巡守親征命親王大臣總留守事其西南北京留守各一人

經略安撫司

經畧安撫使一人掌一路兵民之事舊制以知州兼充中興以後自二品以上出守

者即稱安撫大使

走馬承受

隸經畧安撫總管司政和五年改為廉訪司靖康初復舊

發運使

副使

掌經度山澤財貨之源漕淮浙江湖六路儲廩以輸中都紹興二年罷八年再

置經制發運使九年廢發運司立經制使未幾併於逐路鹽司乾道六年復置發運使尋廢

都轉運使

轉運使

副使

掌經度一路財賦或諸事體當合為一則置都轉運

使總之

招討使

掌收招討殺盜賊之事不常置

招撫使

不常置

撫諭使

掌慰安存問採民之利病條奏而罷行之亦不常置

鎮撫使

舊所無有中興假權宜以牧羣盜後遂罷弗置

提點刑獄公事

掌察所部訟獄舊制叅用武臣熙寧初罷之中興詔諸路分置武提刑一員其

後稍橫遂不復除

提舉常平司

掌常平義倉免役市易坊場河渡水利之法熙寧中置元

祐併其職于提點刑獄司紹聖初復置

提舉茶鹽司

政和中置

提舉常平

茶鹽司

建炎元年常平職事併歸提刑司二年復置常平官未幾復罷紹興二年復置主管其後置經

制司改常平官為經制某路幹辦常平等公事未幾經制司罷復為常平官十五年詔諸路提舉茶鹽官改充

提舉常平茶鹽公事如四川兼充都大提舉茶馬司舊有

茶馬同提舉茶馬都大提舉茶馬皆考其資歷授之嘉定三年詔茶馬官各差一員遂分為兩司提

舉坑冶司舊制一員元豐初增為二員分置兩司在饒者領江東淮浙福建等路在虔者領江西湖

廣等路元祐復併為一員紹興五年將饒州司留屬官一員外並減罷併歸虔州司又加都大二字於提點之

上後省併歸逐路轉運使仍置提領諸路鑄錢官一員於行在自此或復或罷不一乾道六年併歸發運司發

運司罷復置提點兩司如初淳熙提舉市舶司元祐

二年併賴歸饒復加都大二字初詔福建路於泉州置司大觀三年復置浙廣福建三路市

舶提舉官建炎初罷闕浙市舶司歸轉運司尋復置乾道初罷兩浙提舉委各州宣和三年罷

縣檢視而轉運使總之

提舉學事司

崇寧二年置

提點開封府界諸縣鎮公事 提舉河北糴使司

提舉制置解鹽司

經制邊防財用司

熙寧末置
元祐初罷

提

舉兵馬提轄兵甲

皆守臣
兼之

提舉保甲司

元祐初置于
開封府界下

其法于河北諸路既而
悉置提舉官知府界

提舉三白渠公事

檢發司

輦運司 提舉弓箭手

馬氏端臨曰古者牧伯之任後世之所謂監司也隋以前謂之刺史自唐以刺史名知州而後牧伯別有以名其官蓋唐之初止有上中下都督府其後則有

節度觀察等使宋之初止有轉運使其後則有安撫
提刑等官然唐宋中葉以後監司尤多蓋唐之多設
監司也起于開元天寶之興利如楊國忠為宰相所
領四十餘使元道州到官未五十日諸使徵求符牒
三百餘封是也宋之多設監司也起于熙寧元豐之
行新法如蘇軾所謂使者四十餘輩事少員多人輕
權重及司馬光所謂提舉司乃病民之本源是也

府州軍監

諸府置知府事一人州軍監亦如之二品以上及帶兩府職事者稱判通判大郎置二

員餘置一員州不及萬戶不置武臣知州小郡亦特置焉幕職官有簽書判官廳公事兩使防團軍事推判

官節度掌書記觀察支使凡員數多寡視郡大小及職事之繁簡政和初改簽書判官廳公事為司錄建炎初

復舊諸曹官有錄事戶曹司法司理諸叅軍教授慶厯中置

縣令有丞主簿尉若京朝官則稱知縣事有戍兵則兼兵馬都監或監押

廟令舊制五岳四瀆東海南海諸廟俱置令丞主簿

總管鈐轄司治軍旅屯戍營房守禦之政令崇寧四年京畿四輔置副總管鈐轄各一員知州為

都總管

路分都監掌本路禁旅屯戍邊防訓練之政令

諸軍都統制副都統制

建炎初置御營司立都統制紹興十一年設御前諸軍都統制

其後諸軍皆除都統制權任在帥臣右官卑者稱副都統制初渡江後大軍又有統制同統制副統制統領同統領副統領其下有正將準備將訓練官部將隊將等名皆偏裨也

巡檢司

有沿邊溪峒都巡檢或蕃漢都巡檢或數州數縣管界或一州一縣又有刀魚船戰棹巡檢江


河淮海置捉賊巡檢及巡馬巡鋪巡河巡捉私茶鹽等名

蕙田案巡檢在宋為邊徼典軍之要職元明以後役屬於縣令其任益卑瑣矣

監當官

掌茶鹽酒稅場務征輸及冶鑄之事諸州軍隨事置名

右宋官制



五禮通考卷二百十八

欽定四庫全書

經部

五禮通考卷二百十九

詳校官侍郎

臣劉躍雲

給事中

臣溫常綬覆勘

總校官進士

臣繆琪

校對官中書

臣李奎

謄錄進士

臣唐燦

欽定四庫全書

五禮通考卷二百十九

刑部尚書秦蕙田撰

嘉禮九十二

設官分職

遼史百官志遼國官制分北南院北面治宮帳部族屬
國之政南面治漢人州縣租賦軍馬之事初太祖分達
刺額爾奇木為北南二大王謂之北南院宰相樞密宣徽

林牙下至郎君護衛皆分北南其實所治皆北面之事
語遼官制者不可不辨凡遼朝官北樞密視兵部南樞
密視吏部北南二王視戶部額爾奇木視刑部宣徽視工
部多囉倫穆騰視禮部北南府宰相總之特哩袞治宗族林
牙脩文告裕悅坐而論議以象公師朝廷之上事簡職
專此遼所以興也

契丹北樞密院

掌兵機武銓羣牧之政凡契丹軍馬皆屬焉以其牙帳居大內帳殿之北故名

北院元好問所謂北衙不理民是也

契丹南樞密院

掌文銓部族丁賦之政凡契丹人民

皆屬焉以其牙帳居大內之南故名元好問所謂南衙不主兵是也

北宰相府掌佐理軍國之

大政皇族四帳世預其選

南宰相府掌佐理軍國之大政國舅五帳世預其選

北大

王院

南大王院

分掌部族軍民之政

宣徽北院

宣徽南院

分掌御前祇應之事

大裕悅府

無職掌班百僚之上非有大功德不授猶南面之有三公

大特哩衮司

掌皇族之政教

額爾奇木院

掌刑獄

大林牙院

掌文翰之

事

多羅倫穆騰司

掌禮儀

文班司

所掌未詳

額真危郭齊喀

所掌

未詳後併樞院

蕙田案以上皆北面朝官

北面御帳官

府侍衛司

硬寨司

北護衛府

皇太子特哩袞司

南護衛

北面著

帳官

著帳郎君院

祇候郎君班詳袞司

祇候郎君班詳袞司

祇候郎君班詳袞司

祇候郎君班詳袞司

祇候郎君班詳袞司

祇候郎君班詳袞司

祇候郎君班詳袞司

司

北面皇族帳

大內特哩袞司

帳詳袞司

大橫帳詳袞司

仲父族帳詳袞司

仲父族帳詳袞司

仲父族帳詳袞司

仲父族帳詳袞司

季父族帳常袞司

四帳都詳袞司

駙馬都尉府

駙馬都尉府

駙馬都尉府

駙馬都尉府

駙馬都尉府

駙馬都尉府

耀尼九帳

渤海帳司

大常袞司

奚王府

大國舅司

伊實王府

伊實王府

伊實王府

伊實王府

伊實王府

伊實王府

伊實王府

諸行宮都部署院

契丹行宮諸部署司

契丹行宮諸部署司

契丹行宮諸部署司

契丹行宮諸部署司

契丹行宮諸部署司

契丹行宮諸部署司

契丹行宮諸部署司

契丹行宮諸部署司

契丹行宮諸部署司

契丹行宮諸部署司

契丹行宮諸部署司

官

北面坊場局治牧廐等官

北面軍官

北面軍官

北面軍官

北面軍官

北面軍官

北面軍官

北面軍官

北面軍官

防官

北面行軍官

北面屬國官

北面屬國官

北面屬國官

北面屬國官

北面屬國官

北面屬國官

北面屬國官

北面屬國官

以上各官名
煩多不具載

南面朝官

三師府 三公府 漢入樞密院 中書省
門下省 六部 御史臺 殿中司 翰

林院 宣徽院 內省 內侍省 客省 太常寺 鴻

榮祿寺 衛尉寺 宗正寺 太僕寺 大理寺

臚寺 司農寺 秘書監 司天監 國子監 太府

監 少府監 將作監 都水監 十六衛 東宮三

右春坊 太子賓客院 太子詹事院 左春坊 南

面宮官 漢免行宮都部署院亦 南面京官 東京中京

府 諸京內省司 上京鹽鐵使司 東京戶部使司
中京度支使司 南京三司使司 南京轉運使司

西京計司 五京留守司 五京都總管府 五京

都虞候司 五京警巡院 五京處置使司 五京學

諸京別置 南面方州官 節度使司 觀察使司

之官不載 團練使司 防禦使司

五禮通考

三

州刺史

南面分司官

按察諸道刑獄使採訪使

南面財賦官

錢帛

司運司轉

南面軍官

點檢司練使司

指揮使司

諸軍都團

南面邊防官

安撫使司都總管府

招安使司都管司

巡檢使司

處

司置使

蕙田案遼官制有南面北面之分名目猥多

不能盡載今惟舉其大綱而已若南面朝官

大率與唐制多同元入修史時已不能得其

詳僅於史文散見者推而得之亦未究其然

否也

右遼官制

金史百官志金自景祖始建官屬其官長皆稱曰貝勒故太祖以貝勒嗣位太宗以按巴貝勒居守按巴尊大之稱也其次曰固倫烏赫哩貝勒固倫言貴烏赫哩猶總師也又有固倫貝勒或左右置所謂國相也其次諸貝勒之上則有固倫伊實烏赫哩伊拉齊愛滿阿實克溫德埒之號以為陞拜宗室功臣之序焉其部長曰貝

勒統數部者曰烏赫哩凡此至熙宗定官制皆廢其後
惟鎮撫邊民之官曰圖埒烏赫哩國之下有索約勒圖伊
達之下有默濟格實訥昆此則具于官制而不廢皆踵遼
官名者也漢官之制自平州人不樂為明安穆昆之官
始置長吏以下天輔七年以左企弓行樞密院于廣寧
尚踵遼南院之舊天會四年建尚書省遂有三省之制
熙宗頒新官制大率皆循遼宋之舊海陵庶人正隆元
年罷中書門下省止置尚書省而下官司之別曰院曰

臺曰府曰司曰寺曰監曰局曰署曰所各統其屬以修其職職有定位員有常數終金之世守而不敢變焉

三師

太師太傅太保各一人

三公

太尉司徒司空各一人

尚書省

尚書令一人左右丞相各一人平章政事二人為宰相左右丞各一人叅知政事二人為執政

官左司郎中員外郎各一人都事二人右司同祇候郎君管勾官架閣庫管勾同管勾提點歲賜所

堂食公使酒庫使副直省局局長副局長管勾尚書省樂工

行臺尚書省

天會十五年置于汴天眷元年改燕京樞密為行臺尚書省三年復移于汴其官品

下中臺
一等

吏部

尚書一人 侍郎一人 郎中二人 員外郎二人 主事四人 架閣庫管勾同管勾 官誥院提舉

戶部

尚書一人 侍郎二人 郎中二人 員外郎三人 主事五人 架閣庫管勾同管勾 檢法 勾當官 又

有權貨務交鈔庫印造鈔引庫抄紙坊平準
務各使副使交鈔庫物料場場官並屬焉

禮部

尚書一人 侍郎一人 郎中一人 員外郎一人 主事二人 又惠民司令直長都監屬焉 左三部檢

法司正二人
檢法二十二二人

兵部

尚書一人 侍郎一人 郎中一人 員外郎二人 主事二人 又四方館使副使法物庫使副使承發司

管勾同管
勾並屬焉

刑部

尚書一人 侍郎一人 郎中一人 員外郎二人 主事二人 架閣庫管勾同管勾 又萬寧宮慶寧宮

各提舉同
提舉屬焉

工部

尚書一人侍郎一人郎中一人員外郎一人主事二人
覈實司管勾一人又修內司使副使都

城所提舉同提舉祇應司提點令丞甄官署令丞上林
署提點令丞花木局都監同樂園管勾並屬焉右三

部檢法司司正二人
人檢法二十二

都元帥府

掌征討之事兵罷則省都元帥一人左右副
元帥各一人元帥左右監軍各一人左右都

監各一人經歷都事
知事檢法各一人

樞密院

樞密使一人副使一人簽書樞密院事一人同
簽書樞密院事一人經歷都事各一人架閣庫

管勾一人
知法二人

大宗正府

判大宗正事一人同判大宗正事一人同簽
大宗正事一人大宗正丞二人泰和六年改

府曰大陸親府官名
隨改知事一人檢法

御史臺

御史大夫中丞侍御史二人治書侍御史
二人殿中侍御史二人監察御史十二人典事

二人架閣庫管勾一人
檢法四人獄丞一人

宣撫司

山東山西大名河北東西河東南遼東陝西咸
平隆安上京肇州北京凡十處置司使副使

勸農使司

使一人副使一人泰和八年罷貞
祐間復置興定六年改立司農司

司農司

大司農一人卿少卿各三人知事二人興定
六年置又於陝西并河南三路立行司農司

三司

使一人判官三人副使一人簽三司事一人同簽三司事一
人判官三人叅議規措審計官三人知事二人勾

當官二人管勾架閣庫一人知法三人泰和八年省戶部官員置三司貞祐罷之

國史院

監修國史掌修國史事修國史掌修國史判院事同修國史編修官檢閱官修遼史刊修官

編修官

翰林學士院

翰林學士承旨翰林學士翰林學士翰林侍讀學士翰林侍講學士翰林直學士不

限員翰林待制不限員翰林修撰不限員翰林文字天德二年自侍讀學士至應奉文字通設

漢人十員女直契丹各七員

審官院

知院一人同知院事一人承安四年設大安二年罷之

太常寺

卿一人少卿一人丞一人博士二人檢閱官一人檢討二人太祝奉禮郎協律郎太廟署令

一人丞一人兼庫議署事 郊社署令一人丞一人兼
武成王廟署事 諸陵署以涿州刺史兼令丞一人

園陵署令以宛平縣丞兼 大樂署兼鼓
吹署令一人丞一人又有大樂正副正

殿前都點檢司

殿前都點檢 左右副都點檢 都點
檢判官 知事 殿前左衛將軍右衛

將軍左衛副將軍右衛副將軍 符寶郎 左右宿直
將軍 左右振肅 宮籍監提點監副監丞 近侍局

提點使副使 器物局 提點使副使 尚廐局 提點使
副使掌廐都轄副轄 尚輦局使副使 典輿都轄收支

都監同監 鷹坊提點使副使
武庫署令丞 武器署提點令丞

宣徽院

左宣徽使 右宣徽使 同知宣徽院事 同
簽宣徽院事 宣徽判官 拱衛直使司都指

揮使副都指揮使 客省使副使 引進使副使 閤
門東西上閤門使副使簽事閤門祇候閤門通事舍人

承奉班都知內承奉班押班御院通進尚衣局提點
使副使儀鸞局提點使副使收支都監同監尚食
局提點使副使都監生料庫都監同監收支庫都監同
監尚藥局提點使副使果子都監同監太醫院提
點使副使判官管勾御藥院提點教坊提點使副
使判官諧音郎內藏庫使副使頭面段匹金銀襪物
各庫都監同監宮闈局提點使副使內侍局令丞
諸隨殿位承應都監同監內侍寄祿官中常侍給事
中內殿通直黃門郎內謁者內侍殿頭內使高品內侍
高班典衛司令丞孝靖宮令丞懿安家令丞
宮苑司令丞尚醞署令丞
典客署令丞侍儀司令丞

蕙田案金以內侍諸局隸宣徽院與周之寺

人屬冢宰漢之宦者屬少府同義

祕書監

監一人少監一人丞一人祕書郎二人校書郎一人著作局郎一人佐郎一人筆硯局直

長二人

書畫局直長一人都監正二人或

一人

司天臺提點監少監判官教授管勾

國子監

祭酒司業丞二人國子學博士二人助教二人教授四人又有校勘及書寫官太學

博士四人

助教四人

太府監

監少監丞二人左藏庫使副使右藏庫使副使太倉使副使酒坊使副使典給

署令丞舊曰鈎盾使副使市買司使副使

少府監

監少監丞二人尚方署令丞圖畫署令丞裁造署令丞文繡署令丞織染署

令丞文思署令丞

軍器監

監少監丞
甲坊利器兩署為軍器署直隸兵部至寧元年

復軍器庫使副使
坊署後廢利器署令丞甲

都水監

監少監丞二人勾當官四人
勾都巡河官散巡河官諸埽物料場官

諫院

左右諫議大夫左右補闕左右拾遺
左右司諫

大理寺

卿少卿正丞司直四人評事三人
德二年置自少卿至評事漢人通設六員女直

契丹各四員知法
十一人明法二人

宏文院

院知院同知
院事校理

登聞鼓院

知院同知院事以
諫官兼知法二人

登聞檢院

知院

同知

記注院

修起居注以左
右司首領官兼

集賢院

貢祐二年設

知院

同知院
議官

益政院

正大三年置於內廷以學問該博議論宏遠者
數人兼之以二人上直備顧問名則經筵實

內相也末帝
出遂罷之

武衛軍都指揮使司

隸尚書兵部都指揮使
副都指揮使二人副都一人判官一人

鈐轄司
鈐轄十人都鈐轄
四人都將二十人

衛尉司

中衛尉總中宮事務
侍給事局使副使

副尉
左右常
按庭局令丞

京東西南三路檢察司

使副使興
定四年置

南京豐衍東西庫

使副使判官二
監支納各一人

提舉南京權貨司

提舉同提舉均當
官三人貞祐四年置

提舉倉場司

使副使監支納官
十六人貞祐五年置

八作左右院

設官同上掌
收軍需軍器

東宮官

太子太師太傅太保太子少師少傅少
詹事院太子詹事少詹事左右

衛率府

左右監門

僕正副僕僕丞掌寶典儀
贊儀侍正侍丞典食令丞侍藥奉藥掌飲

令丞

家令家丞司經副司藏副司倉副
中侍局都監同監左右諭德左右贊善

欽定四庫全書

五禮通考

十一

親王府屬官

傅

尉

本府長史

司

提舉衛紹王

家屬

提舉

同提舉

提舉鎬厲王家屬

提舉

同提舉

提控鞏國

公家屬

提控

同提控

太后兩宮官屬

衛尉

副衛尉

左右典禁

奉令奉

門衛

典寶

謁

者

閣正

閣丞

食官令丞

主藏副主藏

官令丞

醫令

主廩副主廩

醫令

醫令

醫令

大興府

尹一人

兼領本路兵馬都總管府事車駕巡幸

則置留守同知一人

少尹一人

府判一人

推官

推官

推官

推官

二人

知事

都孔目官二人

知法

三人

女

直教授一人

醫院醫正一人

醫工八人

醫工八人

醫工八人

諸京留守司

留守一人

帶本府尹同知

留守一人

帶本府少尹

留守

留守

留守

留守

留守

判官一人推官一人司獄一人知法二
人警巡院使一人副一人判官二人

按察司

本提刑司兼宣撫使勸農採訪事復改宣撫為
安撫承安四年改按察司貞祐三年罷使

副使簽按察司事
判官知事知法

諸總管府

謂府尹兼領者都總管一人同知都總管一
人兵馬副都總管一人總管判官一人推官

一人知
法一人

諸府

謂非兼總管府事者尹一人同知一人少尹一人
府判一人推官一人教授一人知法一人錄事司

錄事一人
判官一人

諸節鎮

節度使一人兼本州管內觀察使事同知節度
使一人副使一人節度判官一人觀察判官一

人知法一人州教授一人司獄一
人錄事司錄事一人判官一人

諸防禦州

防禦使一人同知防禦使一人判官一人知
法一人州教授一人司候司司候一人司判

人

諸刺史

州刺史一人同知一人判官一人知
法一人司候司司候一人司判一人

蕙田案金制州有三等曰節鎮州曰防禦州

曰刺史州

赤縣

令一人丞一人主簿一人尉四人

諸縣

令一人丞一人主簿一人尉一人

都轉運司

使同知副使都勾判官戶籍判官
支度判官鹽鐵判官都孔目官知法

山東鹽使司

與實抵滄解遼東西京北京凡七司
副使 判官 管勾 同管勾 都監 使

同監
知法

漕運司

提舉一人
同提舉一人

諸總管府節鎮兵馬司

都指揮使一人 副都指揮使二人
指揮使一人 軍使二人 左右

什將各一人

諸府鎮都軍司

都指揮使一人

諸防刺州軍轄

一人

兼巡捕

諸府州兵馬鈐轄

一人

諸巡檢

中都東北都巡檢 西南都巡檢 各一人
諸州都巡檢 使各一人 副都巡檢 使各一人 散巡檢 於

地險要處置司

諸邊將

正將一人副將一人部將一人隊將無定員

統軍司

河南山東陝西益都置使一人副統軍一人判官一人知事一人知法二人

招討司

三處置西北路西南路東北路使一人副使二人判官一人勘事官一人知事一人知法二

人

諸明安

諸穆昆諸部族節度使

諸詳衮司

諸額

爾哥木司

諸都哩木諸羣牧所

右金官制

元史百官志元太祖起自朔土統有其衆惟以萬戶統

軍旅以斷事官治政刑任用者不過一二親貴重臣耳
及取中原太宗始立十路宣課司選儒術用之金人來
歸者因其故官若行省若元帥則以行省元帥授之草
創之初固未暇為經久之規矣世祖命劉秉忠許衡酌
古今之宜定內外之官其總政務者曰中書省秉兵柄
者曰樞密院司黜陟者曰御史臺體統既立其次在內
者則有寺有監有衛有府在外者則有行省有行臺有
宣慰司有廉訪司其牧民者則曰路曰府曰州曰縣官

有常職位有常員其長則蒙古人為之而漢人南人貳焉於是一代之制始備

三公太師太傅太保

各一員太祖置太師一員太宗始建三公世祖之世其職常缺僅置

太保一員成宗以後三公始無虛位矣又有大司徒司徒太尉之屬或置或不置其置者或開府或不開府而東宮嘗置三師三少蓋亦不恒有也

中書令

一員典領百官會決庶務太宗以耶律楚材為中書令世祖以後多以皇太子兼之無特拜者

右丞相左丞相

各一員總省事佐天子理萬機太宗置右左丞相各一世祖中統元年置右左

丞相各二員至元二年增丞相五員七年立尚書省置丞相二員八年罷尚書省置丞相二員二十四年復立

尚書省其中書省丞相二員如故二十九年尚書省再
罷專任一相武宗至大二年復置尚書省丞相二員中
書丞相二員四年尚書省仍歸中書丞相凡二員順帝
元統三年中書省奏自今不置左丞相至元五年以右
丞相巴延為大丞相六年復置左丞
相至正二十七年又有添設左丞相

蕙田案至元初立尚書省止設平章以下二

十四年復立尚書省與中書各設丞相一人

志云中書省丞相二員如故者非也

平章政事

四員掌機務貳丞相世祖中統元年置二員
二年置四員至元七年置尚書省設平章二

員八年併入中書復設三員二十三年汰為二員二十
四年復尚書省兩省平章各二員二十九年罷尚書省

增中書平章為五員而一員為商議省事三十年增平章為六員成宗元貞元年改商議省事為平章軍國重事武宗至大二年再立尚書省平章三員中書五員四年罷尚書省中書平章仍五員文宗至順元年定置四員順帝至正七年置議事平章四員入二十七年有添設第三平章

右丞左丞

各一員副宰相裁成庶務世祖中統二年置三年增為四員至元八年右丞各一員二

十四年立尚書省右左丞各一而中書省缺員二十八
年罷尚書省三十年設右丞二員而一員為商議省事
成宗元貞元年右丞商議省事者又以昭文大學士與
中書省事武宗至大二年復立尚書省右左丞二員中
書省事
書右左丞五員四年罷尚書省中書右左丞止設四員
文宗至順元年定置右左丞各一順帝時又有添設左
丞右丞

叅政

二員副宰相以叅大政其職亞於右左丞世祖中統元年置一員二年增為二員至元七年立尚書

省叅政三員八年併入中書叅政二員二十四年復立尚書省叅政二員二十八年罷武宗至大二年復置尚

書省叅政二員四年併入中書叅政三員文宗至順元年定為二員順帝至正中有添設叅政

叅議中書省事

典左右司文牘為六曹之管轄中統元年置一員至元三十二年累增至六員

大德中定為四員

左司右司

郎中員外郎各二員中統元年置左右司至元十五年分為兩司左司掌吏禮房知除房

戶雜房糧房銀鈔房應辦房右司掌兵房刑房工房中書省之屬有斷事官客省使直省舍人檢校官照磨

管勾架閣庫管勾蒙古架閣庫管勾回回架閣庫管勾等員

中書分省

順帝至正中置其分省之所曰濟寧曰彰德曰陵州曰冀寧曰保定曰大同曰真定廢置

不常

蕙田案元之路府州縣有直隸中書省者

謂之

腹裏有隸各處行中書省者至正之世盜賊並

起雖腹裏州郡皆不獲安內省難以遥制乃

分省臣僑治他所以彈壓之亦權宜之法也

吏部

掌官吏選授之政令世祖中統元年以吏戶禮為左三部至元元年以吏禮自為一部三年復為左

三部五年又合為吏禮部七年始列尚書六部八年仍為吏禮部十三年分置吏部二十三年定尚書侍郎郎

中員外郎員額各二員二十八年增尚書為三員主事
三員順帝至元三年設考功郎中員外郎主事各一員
至正元年設
司績一員

戶部

掌戶口錢糧田土之政令中統元年置左三部至
元元年分立戶部三年復為左三部五年復分為

戶部七年始列尚書六部二十三年六部尚書侍郎
中員外郎定以二員為額明年以戶部所掌特繁劇增
置二員大德五年尚書員外郎各設三員主事八員司
計官四員至正元年添設司計二員其屬有都提舉萬
億寶源庫都提舉萬億廣源庫都提舉萬億綺源庫都
提舉萬億賦源庫提舉富寧庫諸路寶鈔提舉司行用
六庫大都宣課提舉司大都酒課提舉司抄紙坊提領
印造鹽茶等引局京畿都漕運使司都漕運使司檀京
等處採金鐵冶都提舉司大都河間等路都轉運鹽使
司山東東路轉運鹽使司河東陝西等處轉運鹽使司

欽定四庫全書

五禮通考

十六

禮部

掌禮樂祭祀朝會燕享貢舉之政令至元二十三年定尚書侍郎郎中員外郎各二員成宗元貞元年

年復增尚書一員領會同館事主事二員其屬有左三部照磨所侍儀司拱衛直都指揮使司儀鳳司教坊司

會同館鑄印局

白紙坊掌新司

兵部

掌郡邑郵驛屯牧之政令中統元年以兵刑工為右三部至元元年以兵刑自為一部三年併為右

三部五年復為兵刑部七年始列六部明年復為兵刑部十三年復析兵部二十三年定尚書侍郎郎中員外

郎各二員至治三年增尚書一員主事二員其屬有大都陸運提舉司管領隨路打捕鷹房民匠總管府管領

本投下大都等路打捕鷹房等戶都總管府管領本位下打捕

諸色民匠打捕鷹房等戶都總管府管領本位下打捕鷹房民匠等戶都總管府

刑部

掌刑名法律之政令至元二十三年定尚書侍郎郎中員外郎各二員大德四年尚書增一員主事

三員其屬有司獄司司籍所

工部

掌管營造百工之政令中統元年置右三部至元元年分立工部三年復為右三部七年仍為工部二

十三年定尚書侍郎郎中員外郎各二員明年增尚書二員二十八年省尚書一員主事五員其屬有左右部

架閣庫諸色人匠總管府諸司局入匠總管府提舉右八作司提舉左八作司諸路雜造總管府齊達勒局總

管府大都人匠總管府隨路諸色民匠都總管府提舉都城所受給庫符牌局旋匠提舉司贊達勒齊提舉司

巴什伯哩呼達巴哩二局平則門窑場光熙門窑場大都皮貨所通州皮貨所晉寧路織染提舉司冀寧路織

染提舉司真定路織染提舉司南宮中山織染提舉司中山劉元帥局中山察魯局深州織染局深州趙良局

弘州人匠提舉司納實實特摩端二局雲內州織染局大
同織染局朔州毛子局恩州織染局保定織染提舉司
大名人匠提舉司永平等路紋錦等局提舉司大寧路
織染局雲州織染提舉司順德路織染局彰德路織染
人匠局懷慶路織染局巴什伯里局宣德府織染提舉
司東聖州織染局宣德博囉局東平路墮局興和路蓼
麻林人匠提舉司陽門天
城織染局巡河提領所

蕙田案以上皆隸中書省

樞密院掌天下兵甲機密之務中統四年置樞密副使
二員僉書院事一員至元七年置同知院事一
員院判一員二十八年始置知院一員增院判一員又
以中書平章商量院事大德十年增置知院二員同知
五員副樞五員僉院五員同僉三員院判二員至大三
年知院七員同知二員副樞二員僉院一員同僉一員

院判二員革去議事平章延祐四年增知院一員五年
增同知一員後定置知院六員同知四員副樞二員僉
院二員同僉二員院判二員叅議二員經歷二員都事
四員承發兼照磨二員架閣庫管勾一員同管勾一員
至正七年復置議事平章十三年令皇太子領樞密使
十五年添設僉院一員院判二員其屬有客省使斷事
官及右衛左衛中衛前衛後衛武衛親軍都指揮使司
隆鎮衛親軍都指揮使司左右翼屯田萬戶府左衛率
府右衛率府河南淮北蒙古軍都萬戶府巴咱爾萬戶
府扎固剌台萬戶府圖列圖萬戶府華善萬戶府右阿
蘓衛親軍都指揮使司左阿蘇衛親軍都指揮使司回
回砲手軍匠上萬戶府唐古衛親軍都指揮使司珪齊
衛親軍都指揮使司延安屯田打捕總管府大寧海陽
等處屯田打捕所忠翊侍衛親軍都指揮使司西域親
軍都指揮使司宗仁蒙古侍衛親軍都指揮使司山東
河北蒙古軍大都督府左手萬戶府右手萬戶府巴圖

萬戶府哈達萬戶府蒙古回回水軍萬戶府奇圖噶萬戶府左翊蒙古侍衛親軍都指揮使司右翊蒙古侍衛親軍都指揮使司虎賁親軍都指揮使司

大都督府

天歷二年立欽察親軍都督府後改大都督府置大都督三員同知二員副都督三員僉

都督事二員其屬有右欽察衛左欽察衛龍翊侍衛親軍都指揮使司哈刺婁萬戶府

樞密分院

至正中置於衛輝又置於彰德又置於直沽又置於沂州

行樞密院

有征伐之事則置大征伐曰行院為一方一事而設則稱某處行樞密院事已則罷西

川行樞密院中統四年置於成都至元十年於重慶別置東川行樞密院十三年併為一院尋又分置十六年

俱罷二十八年復立四川行院於成都江南行樞密院至元十年荆湖淮西俱置行院十二年罷十九年詔

於揚州岳州俱立行院二十一年立沿江行院二十二
年立江西行院二十八年徙岳州行院於鄂州江淮行
院於建康其後悉併歸行省甘肅行樞密院至大四
年置於甘州尋罷河南行樞密院致和元年置天厯
元年罷嶺北行樞密院天厯二年置順帝至元二
年四川及湖廣江西之境及江淞俱置行樞密院十五
年置淮南江北行院於揚州十六年置江淞行院
於杭州二十六年置福建江西等處行樞密院

御史臺

掌糾察百官善惡政治得失至元五年始立臺
設大夫中丞侍御史治書侍御史以下後定置

大夫二員中丞二員侍御史二員治書侍御史二員經
厯一員都事二員照磨一員承發管勾兼獄丞一員其
屬有二殿中司置殿中侍御史二
員察院置監察御史三十二員

行御史臺

凡二曰江南諸道行臺初治揚州尋徙杭州
又徙江州後遷於建康曰陝西諸道行臺初

立行臺於雲南後徙陝西治京兆各置大夫一員中丞二員侍御史治書侍御史各二員監察御史江南二十員陝西二十員至正十六年移江南行臺於紹興又立分臺於福建

肅政廉訪司

國初置提刑按察司至元二十八年改今名後定為二十二道隸御史臺者八山東

東西道治濟南路河東山西道治冀寧路燕南北道治真定路江北河南道治汴梁路山南江北道治中興路淮南江北道治廬州路江南北道治揚州路山北遼東道治大寧路隸江南行臺者十江東建康道治寧國路江西湖東道治龍興路江南浙江西道治杭州路浙東海右道治婺州路江南湖北道治武昌路嶺北湖南道治天臨路嶺南廣西道治靜江府海北廣東道治廣州路海北海南道治雷州路福建閩海道治福州路隸陝西行臺者四陝西漢中道治鳳翔府河西隴北道治甘州路西蜀四川道治成都路雲南諸路道治中慶路

每道廉訪使二員副使二員
僉事四員兩廣海南止二員

大宗正府

世祖時立仁宗減去大字順帝至元元年仍為大宗正府定置扎爾固齊四十二員郎中

二員員外郎二員又增設掌判二員
都事二員承發架閣庫管勾一員

大司農司

凡農桑水利學校饑荒之事悉掌之至元七年立十四年罷十八年改立農政院二十年

改務農司又改司農寺二十三年仍為大司農司定置
大司農四員大司農卿二員少卿二員丞一員經歷一
員都事二員架閣庫管勾一員照磨一員
其屬有籍田署供膳司永平屯田總管府

分司農司

至正十三年置十五年又置大兵農司於保定河間武清景薊凡四處十九年又置大都

督兵農司
於西京

翰林國史院

中統初以王鶚為翰林學士未立官署至元元年始置二十年省併集賢院為翰林

國史集賢院二十二員侍讀學士二員侍講學士二員直學士二員待制五員修撰三員應奉翰林文字五員編修官十員檢閱四員典籍二員經歷一員都事一員又有蒙古翰林院掌譯寫一切文字至元十二年別立設官畧與翰林國史院同蒙古國子監蒙古國子學俱屬焉

內八府宰相

掌諸王朝覲饋介之事有詔令則與蒙古翰林院官譯寫而潤色之大德九年以摩

齊圖等八人為之雖名宰相而無授受宣命

集賢院

掌提調學校徵求隱逸召集賢良凡國子監元門道教陰陽占卜之事悉隸焉國初與翰林國

史院同一官署至元二十三年分立後定置大學士五員學士二員侍讀學士二員侍講學士二員直學士二

員經歷一員都事二員待制一員修撰一員兼管勾承發架閣庫一員國子監興文署屬焉

蕙田案元設集賢院領國子監蓋取興賢之義而以道教陰陽之事並屬之其名已不正矣若張留孫吳全節輩皆以道流而充大學士之職尤為非體

宣政院

掌釋教僧徒及吐蕃之境而隸治之至元初立總制院領以國師二十五年更名後定置院使

一十員同知二員副使二員僉院二員同僉三員院判三員叅議二員經歷二員都事二員照磨一員管勾一員其屬有斡事官客省使大都規運提點所上都規運提點所大都提舉資善庫上都利貞庫吐蕃等處宣慰

司都元帥府洮州元帥府十八族元帥府積石州元帥府禮店文州蒙古漢軍西蕃軍民元帥府吐蕃等處招討使司松潘客壘威茂州等處軍民安撫使司土蕃等路宣慰使司都元帥府朶甘思田地裏管軍民都元帥府拉瑪爾剛等處招討使司本布田地裏招討使司碩門伊屯拉雅長河西寧遠等處軍民安撫使司六蕃招討使司天全招討使司長河西裏管軍招討使司朶甘思招討使烏斯藏納蘓拉古邏遜等三路宣慰使司都元帥府順帝時嘗置行宣政院於杭州又以西蕃寇起置行宣政院往討之

蕙田案元史釋老傳云元起朔方固已崇尚釋教及得西域世祖思因其俗而柔其人乃郡縣土蕃之地設官分職而領之於帝師乃

立宣政院其為使位居第二者必以僧為之
出帝師所辟舉而總其政于內外者帥臣以
下亦必僧俗並用而軍民通攝於是帝師之
命與詔勅並行于西土蓋宣政院設官之制
如此

宣徽院

掌供玉食至元十五年置後定置院使六員同知一員副使二員僉院二員同僉二員院判二

員經歷二員都事三員照磨一員承發架閣庫一員其屬有光祿寺設卿少卿丞又有大都尚飲局上都尚飲局大都尚醞局上都尚醞局大都醴源倉上都醴源倉尚珍署安豐懷遠等處種田提領所尚舍寺諸物庫關

遺監尚食局大都生料庫上都生料庫大都大倉上都
大倉大都上都柴炭局尚牧所沙糖局永備倉豐儲倉
淮東淮西屯田打捕總管府龍慶栽種提舉司宏
州種田提舉司豐潤署常湖等處茶園都舉司

蕙田案元以國子監屬集賢院光祿寺屬宣

徽院與古今制俱異

大禧宗禋院

掌神御殿禋享禮典天歷元年置後定院使都典制神御殿事六員同知兼佐儀神

御殿事二員

副使兼奉贊神御殿事二員僉院兼祇承

神御殿事二員

同僉兼肅治神御殿事二員院判供應

神御殿事二員

叅議二員經歷二員都事二員管勾照

磨各一員

其屬有斷事官客省使隆禧總管府福元營

繕司普安智全營繕司祐國營繕都司會福總管府崇

祥總管府隆祥使司壽福總管府順帝至元六年罷宗

禮院以所轄
隸宣政院

蕙田案諸總管府所領田賦財用皆隸各僧
寺為營繕香火之用不屬於戶部及大司農
者

太常禮儀院

掌大禮樂祭享等事中統元年中都立太常寺至元二年以翰林院兼攝九年立太

常寺十三年以待儀司併入二十年別置待儀司至大元年改陞院四年復為太常寺延祐元年復改陞院後定置院使二員同知二員僉院二員同僉二員院判二員經歷一員都事一員照磨兼管勾承發架閣一員博士二員奉禮郎二員奉禮兼檢討一員協律郎二員太祝十員禮直管勾一員其屬有太廟署郊祀署社稷署

署大樂

典瑞院

掌寶璽金銀符牌中統元年置符寶郎至元十六年立符寶局十八年改典瑞監大德十一年

陞院後置院使四員同知二員僉院二員同僉二員院判二員經歷二員都事二員照磨兼管勾承發架閣庫

員一

太史院

掌天文算數之事至元十五年立後定置院使五員同知二員僉院二員同僉二員院判二員

經歷一員都事一員管勾一員其屬有春官正兼夏官正秋官正兼冬官正保章正副靈臺郎監候副監候挈

壺正司辰郎燈漏直長教授學正校書郎諸員

太醫院

掌醫事中統元年置二十年改為尚醫監二十二年復為太醫院後定置院使十二員同知二

員僉院二員同僉二員院判二員經歷二員都事二員
照磨兼承發架閣庫一員其屬有廣惠司御藥院御藥
局行御藥局御香局大都惠民
局上都惠民局醫學提舉司

奎章閣學士院

天歷二年立後定置大學士四員侍書
學士二員承制學士二員供奉學士二

員屬官有授經郎及羣玉內司順帝至元六年罷學士
院至正元年立宣文閣不置學士惟授經郎及監書博
士以宣文
閣繫街

藝文監

天歷二年置大監檢校書籍事二員少監同檢
校書籍二員監丞叅檢校書籍二員其屬監書

博士及藝林庫廣成局順帝至元六年改
為崇文監至正元年令翰林國史院領之

侍正府

掌內廷近侍之事至順二年置侍正十四員同
知二員僉府二員侍判二員領舒回爾齊四百

入奉御二十四員

給事中

至元六年始置起居注左右補闕改為左右侍儀

奉御兼修起居注後定給事中二員左右侍儀奉御各一員

將作院

掌造作至元三十年置後定院使七員同知二員同僉二員院判二員其屬有諸路金玉人匠

總管府異樣局總管府大都等路民匠總管府

通政院

元初置驛以給使傳設托克托郭遜以辦奸偽至元七年初立諸站都統領使司以總之十三年

改通政院十四年分置大都上都兩院二十九年又置江南分院大德七年罷至大四年以其事歸兵部尋仍

置大都院使四員同知二員副使二員僉院一員同僉一員院判一員上都院使同知副使僉院判官各一員

其屬有
廩給司

蕙田案元之通政院專司站齊與宋之通進

銀臺司明之通政司有別

詳定使司

至正十七年置四方獻言詳定使司掌考其所陳之言擇其善者以聞有使副使各二員

中政院

掌中宮財賦營造并番衛之士湯沐之邑元貞二年置中御府大德四年陞中政院至大四年

省併入典

內院皇慶二年復為中政院院使七員同知二員僉院二員同僉二員院判二員司議二員長史二

員其屬有

中瑞司內正司翊正司典領局等不備載至元六年別為完者呼圖皇后置資正院

儲政院

至元十九年立詹事院置左右詹事副詹事丞院判別置賓客左右諭德左右贊善校書郎中

庶子中允三十一年太子薨乃以院之錢糧選法工役
悉歸太后位下改為徽政院大德九年復立詹事院尋
罷十一年復立至大四年罷延祐四年復立七年罷泰
定元年罷徽政院改立詹事天歷元年改為儲慶使司
二年復為詹事院尋改儲政院院使六員同知二員僉
院二員同僉二員院判二員司儀二員長史二員元統
元年為皇太后置徽政院設立官屬至正六年立皇太
子宮傅府十三年罷宮傅府立詹事院置詹事同知詹
事副詹事丞中議長史又置太子賓客左右諭德左右
贊善文學中庶子中允二十七年皇太子賓客左右
明年罷詹事院司屬有家令司典幄署府正司資武庫
冀用庫延慶司典用監典醫監典牧監儲膳司典寶監
儲政院司屬有掌謁司甄用監監延福司章慶使司奉徽
庫壽和署上都掌設署掌醫監修合同司藥正司行篋司
藥局廣濟提舉司羣牧監掌儀署
上都掌儀署江西財賦提舉司

蕙田案中政院如漢之大長秋徽政院如漢之長信少府儲政院如漢之詹事順帝於中政院之外別為第二皇后立資正院設官屬非禮甚矣詹事院有太子則置徽政院有太后則置無則省其隸於兩院者如左右都威衛使司衛候直都指揮使司內宰司及諸色人匠打捕鷹房財賦提領等名目猥多今並從畧

昭功萬戶都總使司

至順二年立凡文宗潛邸扈從之臣皆領焉都總使二員同知一員

副使二員其屬則

官相膳工等司

內史府

至元二十九年封晉王于太祖四鄂爾多之地改王傅為內史設內史九員中尉六員司馬四

員諮議二員記室二員

其屬有延慶典軍諸司

隨路諸色民匠打捕鷹房都總管府

至元二十四年置總四鄂爾多位下

戶計民匠造作之事達魯噶齊二員都總管一員同知一員副總管一員凡鄂爾多之事復置四總管分掌之

管領保定等路阿哈探馬兒諸色民匠總管府

至元十七年置

掌太祖大鄂爾多一切事務達魯噶齊總管同知副總管各一員

管領打捕鷹房民匠達魯噶齊總管府

至元二十一年置掌二皇后鄂

爾多位下歲賜財物
造作等事設官同上

管領隨路諸色民匠打捕鷹房等戶總管府

大德二年置掌太祖

鄂爾多四季行營
一切事務設官同

管領隨路打捕鷹房諸色民匠齊哩克昆總管府

延祐五年置掌

太祖四皇后位下四季行營
并歲賜造作之事設官同

隨路打捕鷹房諸色民匠總管府

至元二十二年置掌
北安王位下歲賜錢

糧之事
設官同

諸王傳官

凡四十五王每位下各設王傳傅尉司馬傅尉惟科綽布哈伊伯根鄂倫三王有之餘

皆稱府尉

都護府

掌領舊州城及輝和爾之居漢地者至元十一年初置輝和爾斷事官十七年改領北庭都護

府二十年改大理寺二十二年復為大都護定置大都護四員同知二員副都護二員

崇福司

掌領瑪拉哈實喇巴勒葉爾奇木十字寺祭享等事至元二十六年置延祐二年改為院七年復

為司定置司使四員同知副使司丞各二員

大都留守司

至元十九年罷宮殿府行工部置留守司兼本路都總管知少府監事二十一年別

置都總管治民事皇慶元年別置少府監延祐七年罷復以留守兼監事定置留守五員同知二員副留守二

員判官二員其屬有修內司祇應司器物局大都城門尉犀象牙局大都四窑場凡山採木提舉司上都採山提領所器備庫甸皮局上林署養種園花園苜蓿園儀鸞局木場諸色人匠提舉司收支庫諸色庫太廟收支諸物庫南寺北寺收支諸物二庫廣誼司

武備寺

掌繕治戎器兼典受給至元六年立軍器監二十年改武備監隸衛尉院二十一年改監為寺

與衛尉並立大德十一年陞為院至大四年復為寺定置卿四員同判六員少卿四員丞四員其屬有壽武庫利器庫廣勝庫及諸路軍器人匠提舉司

太僕寺

中統四年設羣牧所至元十六年改尚牧監十九年又改太僕院二十年改衛尉院二十四年

罷院立太僕寺又別置尚乘寺以管鞍轡而本寺止管阿塔斯馬匹大德十一年復改太僕院至大四年仍為

寺卿少卿
丞各二員

尚乘寺

至元二十四年置大德十一年陞為院至大四年復為寺卿四員少卿丞各二員其屬有資乘

庫

長信寺

領大鄂爾多齊哩克昆諸事大德五年置至大元年陞為院四年仍為寺後定卿四員少卿寺丞

各二員

長秋寺

掌武宗五年置爾多戶口錢糧營繕諸事皇慶二年置卿五員少卿寺丞各二員

承徽寺

掌達爾瑪實哩皇后位下錢糧營繕等事至治元年置設官同上

長寧寺

掌英宗燕喀巴拉皇后位下錢糧營繕等事至治三年置卿六員少卿寺丞各二員

長慶寺

掌成宗鄂爾多泰定元年置設官同上

寧徽寺

隸瑪實皇后位天下歷二年置設官同上

延徽寺

掌寧宗鄂爾多至元六年置

太府監

領左右藏等庫掌錢帛出納之數中統四年置大德九年改為院至大四年復為監太卿太監

各六員少監丞各五員

度支監

掌給馬馳芻粟國初置博克遜至元十三年省以宣徽兼其任至大二年改立度支院四年改

為監卿三員太監二員少監三員丞二員

利用監

掌出納皮貨衣物之事至元十年置二十年罷二十六年復置大德十一年改為院至大四年

復為監卿八員太監
少監各五員丞四員

中尚監

掌大鄂爾多位下齊哩克昆諸務及領資成庫鑪
作至元十五年置尚用監二十年罷二十四年

改置中尚監至大元年陞為院四年復為監
用官者三人卿八員太監少監各二員丞二員

章佩監

掌官者燕固爾齊所收御服寶帶至元二十二
年置至大元年陞為院四年復為監卿五員太

監四員少監
監丞各二員

經正監

掌營盤巴納及標撥投下草地至大
四年置太卿一員太監少監監丞各二員

都水監

掌治河渠并隄防水利橋梁牐堰之事至元二
十八年置監二員少監一員監丞二員領大都

河道提舉司至正中置行都水監於
山東河南等處立河防提舉司隸焉

祕書監

掌列代圖籍及陰陽禁書至元九年置後定卿四員太監少監丞各二員其卿叅用宦者二人

蕙田案祕書監為文章之府以宦者叅其間

非宜也

司天監

掌凡天象之事提點一員監三員少監五員丞四員其屬有提學教授學正及天文算歷三式

測驗漏刻諸料管勾陰陽管勾押宿司辰官中統元年設至元十五年別立太史院凡頒朔之政歸院學校之設隸監

同惟減少監二員丞二員

司裡監

至正元年立掌師翁祭祀祈禳之事內監少監丞各二員

上都留守司

兼本路都總管府職掌與大都同而兼治民事留守六員同知副留守判官各二員

其屬有修內司祇應司器物局儀鸞局兵馬司警巡院平盈庫萬盈庫廣積倉萬億庫行用庫稅課提舉司八作司餼廩司領開平一縣

尚供總管府

掌守護東涼亭行宮及遊獵供需之事達魯噶齊總管同知副總管判官各一員其

屬有香河等處巡檢司景運倉法物庫

雲需總管府

掌守護察軍諸兩行宮及行營供辦之事設官同上

大都路都總管府

達魯噶齊二員都總管一員副達魯噶齊同知治中判官推官各二員領

府一州十一凡本府官吏惟達魯噶齊一員及總管推官專治路政其餘皆分任供需之事故又號供需府其屬有大都路兵馬都指揮使司司獄司左右警巡院大都警巡院大都路提舉學校所管領諸打捕鷹房總管

府至正十八年大都四隅俱立分府

行中書省

曰河南江北治汴梁曰江浙治杭州曰江西治龍興府曰湖廣治鄂州曰陝西治京兆曰

遼陽治遼陽路曰甘肅治甘肅路曰嶺北治和寧路曰雲南治中慶路曰征東治瀋陽初又有福建行省治泉州後併入江浙又併四川行省於陝西凡為行省者十中統至元間分立行中書省皆以省官出領其事其後嫌於外重改為某處行中書省凡錢糧兵甲屯種漕運軍國重事無不領之至元二十四年改行尚書省尋復如舊至大二年又改行尚書省尋復每省丞相一員平章二員右丞二員左丞一員叅知政事二員甘肅嶺北二省各減二員郎中員外郎各二員舊制叅政之下有簽省有同簽後罷不置而丞相亦往往闕焉順帝至正十二年置淮南江北行省於揚州十六年置福建行省於福州十七年置山東行省二十三年置廣西行省又

置膠東行
省于萊陽

蕙田案黃帝分天下為州後代因之唐曰道
宋曰路元以後則曰省省者官署之名非所
施於疆域元時於中書省之外分立行中書
省以控制諸路故有直隸省者有隸諸行省
者其號為省固宜也明初罷諸行省分天下
為十三布政司當云某司不當云某省若總
督巡撫專制一方俱帶都察院堂上官銜當

云行院不得云行省矣

宣慰司

掌軍民之務分道以總郡縣行省有政令則布于下郡縣有請則為達於省有邊陲軍旅之事

則兼都元帥府其次則止為元帥府其在遠服又有招討安撫宣撫等使宣慰使司有使有同知有副使都元帥府有都元帥副元帥元帥府有達魯噶齊有元帥宣撫安撫司有達魯噶齊有使有同知有副使有僉事招討使有達魯噶齊有使有副使員數多少不等

諸路萬戶府

管軍七千以上為上五千以上為中三千以上為下各置達魯噶齊一員萬戶副萬

戶各一員其官皆世襲有功則陞之其屬有鎮撫司千戶所

儒學提舉司

統諸路府州縣學校各置於行省所署之地每司提舉副提舉各一員江浙湖廣江

西三省別有蒙古提舉學校官設官同

官醫提舉司

提舉同提舉副提舉各一員惟河南江浙江西湖廣陝西五省各立一司餘省無

都轉運鹽使司

兩淮兩浙福建各置司使二員同知三員副使一員運判二員兩浙福建無副

使四川則名茶鹽轉運司置使同知副使運判各一員廣東廣海則有鹽課提舉司各有提舉同提舉副提舉

市舶提舉司

泉州廣東慶元各置司提舉二員同提舉二員

海道運糧萬戶府

達嚕嚕齊一員萬戶一員副萬戶四員其屬有海運千戶所平江又有海

運香莎糯米千戶所

寶泉提舉司

至正中議行錢法立都提舉司掌鼓鑄銅錢印造交鈔又置提舉司於河南行省及

濟南冀寧等處凡九所江
浙江西湖廣行省各一所

都水庸田使司

順帝至元中置于平江至正中又
置于汴梁使副使僉司各二員

都總制庸田使司

至正十二年置河南江北等處都總
制庸田使司使副使各二員僉司六

員其屬有軍民屯田總
管府農政司豐盈庫

諸路總管府

十萬以上為上十萬以下為下路當衝要
者雖不及十萬戶亦為上置達魯噶齊總

管同知判官各一員推官二員下路無治中其屬有儒
學教授蒙古教授醫學陰陽學教授司獄司錄事司平
準行用庫織染局雜造局府倉
諸大使惠民藥局稅務諸提領

散府

達魯噶齊一員知府或府尹一員同知判官推官
各一員所在有隸諸路及宣慰司行省者有直隸

省部者有統州縣者有不
統縣者其制各有差等

諸州

江北諸州戶一萬五千以上為上六千以上為中
不及六千為下江南諸州五萬以上為上三萬以

上為中不及三萬為下各置達魯噶齊州
尹同知判官中下州則稱知州不稱尹

諸縣

江北縣戶六千以上為上二千以上為中不及二
千為下江南三萬以上為上一萬以上為中不及

一萬為下置達魯噶齊尹丞簿尉各一員
典史二員中下縣不置丞下縣典史一員

巡檢司

巡檢
一員

諸軍

惟邊遠之地有之各
統屬縣設官如下州

諸蠻夷長官司

西南夷諸溪洞各置司達魯噶
齊長官司副長官司用土人為之

各處托克托郭遜

掌辦使臣奸偽
正副各一員

蕙田案元史經兩次編纂體例多不畫一如
百官志則自元統至元以後沿革增損之制
別為一卷與前數卷首尾不相貫串今逐條
分晰附於其下其前卷所無而順帝時叛設
者亦以類相從若詳定使司列於通政院之
後延徽寺列於寧徽寺之後庶有條而不紊
云

右元官制

明史職官志明官制沿漢唐之舊而損益之自洪武十三年罷丞相不設析中書省之政歸六部以尚書任天下事侍郎貳之而殿閣大學士祇備顧問帝方自操威柄學士鮮所叅決其糾劾則責之都察院章奏則達之通政司平反則叅之大理寺是亦漢九卿之遺意也分大都督府為五而征調隸於兵部外設都布按三司分隸兵刑錢穀其考核則聽于府部是時吏戶兵三部之

權為重迨仁宣朝大學士以太子經師恩累加至三孤望益尊而宣宗內柄無大小悉下大學士楊士奇等叅可否雖吏部蹇義戶部夏原吉時召見得預各部事然希濶不敵士奇等親自是內閣權日重即有一二吏兵之長與執持是非輒以敗至世宗中葉夏言嚴嵩迭用事遂赫然為真宰相壓制六卿矣然內閣之擬票不得不決於內監之批紅而相權轉歸之寺人於是朝廷之紀綱賢士大夫之進退悉顛倒於其手伴食者承意指

之不暇間有賢輔卒蒿目而不能救初領五都督府者皆元勲宿將永樂間設內監監其事猶不敢縱沿習數代勲戚紈袴司軍紀日以情毀既而內監添置益多邊塞皆有巡視大征伐皆有監軍而疆事遂致大壞矣

蕙田案明初政歸六部併都察院通政司大理寺為九卿然九卿之中惟都察院權較重與六部埒明史有七卿表謂六部尚書及左都御史也

宗人府

宗人令一人左右宗正各一人左右宗人各一人掌皇九族之屬籍初洪武三年置大宗正院

二十二年改宗人府其屬經歷司經歷一人

太師太傅太保少師少傅少保

公孤其職至重無定員無專授洪武三年授李

善長太師徐達太傅三孤無兼領者建文永樂間罷公孤官仁宗復設宣德三年勅太師張輔少師蹇義少傅楊士奇少保夏原吉各輟所領侍左右咨訪政事公孤之官幾于專授逮義原吉卒士奇還領閣務自後公孤但虛銜為勲戚文武大臣加官贈官而文臣無生加三公者惟張居正於神宗朝加太師

太子太師太子太傅太子太保太子少師太子少傅太

子少保太子賓客

皆東宮大臣無定員無專授洪武元年太子監國以朝臣兼宮職其後東

宮師傳止為兼官加官及贈官惟永樂間成祖幸北京以姚廣孝為太子少師留輔太子自是終明世皆為虛銜於太子輔導之職無與也

中極殿大學士

舊名華蓋殿

建極殿大學士

舊名謹身殿

文華殿

大學士武英殿大學士文淵閣大學士東閣大學士掌

獻

替可否奉陳規誨點檢題奏票擬批答以平允庶政以其授餐大內常侍天子殿閣之下避宰相之名又名內閣先是太祖承前制設中書省置左右丞相平章政事左右丞叅知政事洪武十三年誅丞相胡惟庸遂罷中書省又設四輔官以儒士王本等為之尋亦罷十五年倣宋制置殿閣諸大學士秩皆正五品二十八年勅諭羣臣國家罷丞相設府部院寺以分理庶務立法至為詳善以後嗣君其毋得議置丞相臣下有奏請設立者

論以極刑當是時以翰林春坊詳省諸司奏啟兼司平
駁大學士特侍左右備顧問而已建文中改大學士為
學士成祖即位特簡解縉胡廣楊榮等直文淵閣參預
機務閣臣之預務自此始然其時入內閣者皆編檢講
讀之官不置官屬不得專制諸司諸司奏事亦不得相
關白仁宗以楊士奇楊榮東宮舊臣陞士奇為禮部侍
郎兼華蓋殿大學士榮為太常卿兼謹身殿大學士閣
職漸崇其後士奇榮等皆遷尚書職雖居內閣官必以
尚書為尊景泰中王文始以左都御史進吏部尚書入
內閣自後誥勅房制勅房俱設中書舍人六部承奉意
旨靡所不領而閣權益重嘉靖

吏部

尚書一人左右侍郎各一人掌官吏選授封勲考
課之政令其屬司務二人文選驗封稽勲考功四

清吏司郎中員外郎主事各一人明初設四部于中書
省洪武元年始置吏戶禮兵刑工六部仍隸中書省六

年吏部設總部司勲考功三屬部十三年罷中書省陞六部秩每部分四屬部吏部加司封二十二年改總部為選部二十九年定為文選驗封稽勲考功四司凡六部屬皆稱清吏司建文中六部設左右侍中位侍郎上除去諸司清吏字成祖初悉復舊制永樂元年設北京行部尚書二人侍郎四人其屬置六曹清吏司後又分置六部各稱行在某部十八年以六部官屬移之北不稱行在其留南京者加南京字洪熙元年復置六部官屬于南京去南京字而以在北京者加行在字仍置行部宣德三年復罷行部正統六年于北京去行在字南

京仍加南京字按吏部尚書表率百僚禮數無與並者永樂初選翰林官入直內閣其後楊士奇等加至三孤兼尚書銜然品叙列尚書蹇義夏原吉下孝宗六年內宴大學士邱濬以太子太保禮部尚書居太子太保吏部尚書王恕之上自後由侍郎

詹事入閣者班皆在六部上矣

戶部

尚書一人左右侍郎各一人掌戶口田賦之政令其屬司務二人浙江江西湖廣陝西廣東山東福

建河南山西四川廣西貴州雲南十三清吏司郎中員外郎各一人主事二人照磨一人檢校一人所轄有寶

鈔提舉司抄紙局印鈔局寶鈔局寶鈔庫廣惠庫廣積庫

贓罰庫庫甲字乙字丙字丁字戊字庫廣盈庫外承運庫

承運庫行用庫太倉銀庫御馬倉軍儲倉長安東安西

安北安門倉張家灣鹽倉檢校批驗所洪武初置戶部

分為五科各設尚書侍郎十三年分四屬部曰總部度

支金部倉部二十二年改總部為民部二十三年分十

二部各領一布政司其時無雲南貴州二部而有北平

部二十九年改為十二司建文中仍為四司成祖復舊

制又改北平司為北京司後革北京司而設雲南貴州

交趾三司宣德中革交趾司定為十三司明初嘗置司

農司判錄司皆不隸戶部後罷總督倉場一人掌在

京及通州等處倉場糧儲以戶部尚書或侍郎為之俱

不治部事神宗四十七年增設督餉侍郎天啟五年又增設督理錢法侍郎

禮部

尚書一人左右侍郎各一人掌禮儀祭祀宴饗貢舉之政令其屬司務二人儀制祠祭主客精膳四

清吏司郎中員外郎主事各一人所轄有鑄印局洪武初置禮部六年分四屬部曰總部祠部膳部主客二十二年改總部為儀部二十九年定為儀制祠祭主客精膳四司

兵部

尚書一人左右侍郎各一人掌武衛官軍選授簡練之政令其屬司務二人武選職方車駕武庫四

清吏司郎中員外郎各一人主事二人所轄有會同館大通關洪武初置兵部六年置三屬部曰總部駕部職方十三年增置庫部二十三年改總部為司馬部二十九年定為武選職方車駕武庫四司協理京營戎政一人掌京營操練之事或尚書或侍郎或右都御史兼之

刑部

尚書一人左右侍郎各一人掌天下刑名及徒隸勾覆關禁之政令其屬司務二人浙江江西湖廣

陝西廣東山東福建河南山西四川廣西貴州雲南十三清吏司郎中員外郎各一人主事二人照磨檢校各

一人司獄六人洪武初置刑部六年設總部比部都官部司門部八年增設四科科設尚書侍郎等官二十二

年改總部為憲部二十三年分十二部如戶部之制二十九改總部為十二司宣德十年定為十三司與戶部同

工部

尚書一人左右侍郎各一人掌百工山澤之政令其屬司務二人營繕虞衡都水屯田四清吏司郎

中員外郎各一人主事二人所轄有營繕所文思院皮作局鞍轡局寶源局顏料局軍器局節慎庫織染所雜

造局廣積通積蘆溝橋通州白河各抽分竹木局大通關提舉司柴炭司洪武初置工部以將作司隸焉六年

設總部虞部水部并屯田為四屬部又置營造提舉司八年增立四科科設尚書侍郎等官二十二年改總部

為營部二十九年定為營繕虞衡都水屯田四司提
督易州山廠一人掌督御用柴炭之事以尚書或侍郎
督廠事嘉靖八年
改設主事管理

都察院

左右都御史各一人左右副都御史各一人左
右僉都御史各二人掌糾劾百司辨明冤枉提

督各道為天子耳目風紀之司其屬經歷都事各一人
司務二人照磨檢校司獄各一人十三道監察御史一
百十人浙江江西河南山東各十人福建廣東廣西四
川貴州各七人陝西湖廣山西各八人雲南十一人在
內兩京刷卷巡視京營監臨鄉會試及武舉巡視光祿
巡視倉場巡視內庫皇城五城輪值登聞鼓在外巡按
清軍學校巡鹽茶馬巡漕巡關隘運印馬屯田師行則
監軍紀功各以御史司之其在外加都御史或副僉都
御史銜者有總督有提督有巡撫有總督兼巡撫提督
兼巡撫及經畧總理贊治巡視撫治等員初吳元年置

御史臺設大夫中丞侍御史以下與中書都督為三大
府十三年罷御史臺十五年置都察院分監察御史為
十二道各領布政司建文元年改御史府設御史大夫
改十二道為左右兩院成祖復舊制宣德十年定為十
三道 總督漕運兼提督軍務巡撫鳳陽等處兼管河
道一員 總督薊遼保定等處軍務兼理糧餉一員
總督宣大山西等處軍務兼理糧餉一員 總督陝西
三邊軍務一員 總督兩廣軍務兼理糧餉帶管鹽法
兼巡撫廣東地方一員 總督四川陝西河南湖廣等
處軍務一員 總督浙江福建江南兼制江西軍務一
員 總督陝西山西河南湖廣四川五省軍務一員
總督鳳陽地方兼制河南湖廣軍務一員 總督保定
地方軍務一員 總督河南湖廣軍務兼巡撫河南一
員 總督九江地方兼制江西湖廣軍務一員 總理
南直隸河南山東湖廣四川軍務一員 總理河漕兼
提督軍務一員 總理糧儲提督軍務兼巡撫應天等

| | | | | | | | | | | | | | | | |
|------------------------------------|---------------------------|----------------------------|-----------------|--------------------------|--------------------------|-------------------------------------|-------------------|-----------------------------|--------------------------|--------------------------|-------------------------|--------------------------------|----------------------|-----------------------------|--------------------------|
| 府一員 巡撫浙江等處地方兼提督軍務一員 巡撫順天等府地方 | 撫福建地方兼提督軍務一員 巡撫保定等府提督紫 | 兼整飭薊州等處邊備一員 巡撫河南等處地方兼管河 | 荆等關兼管河道一員 巡撫 | 道提督軍務一員 巡撫山西地方兼提督雁門等關 | 軍務一員 巡撫山東等處地方督理營田兼管河道 | 提督軍務一員 巡撫遼東地方兼理軍務一員 巡撫大同地方兼理軍 | 撫宣府地方兼理軍務一員 巡撫 | 務一員 巡撫延綏等處兼理軍務一員 巡撫寧夏 | 地方兼理軍務一員 巡撫甘肅等處兼理軍務一員 | 巡撫陝西地方兼理軍務一員 巡撫四川等處地方 | 兼提督軍務一員 巡撫湖廣等處地方兼理軍務 | 一員 巡撫江西地方兼理軍務一員 巡撫廣東地方兼理 | 韶等處地方提督軍務一員 巡撫南贛汀 | 軍務一員 巡撫廣西地方一員 巡撫雲南兼建昌 | 畢節等處地方兼理軍務兼督川貴糧餉一員 巡撫 |
|------------------------------------|---------------------------|----------------------------|-----------------|--------------------------|--------------------------|-------------------------------------|-------------------|-----------------------------|--------------------------|--------------------------|-------------------------|--------------------------------|----------------------|-----------------------------|--------------------------|

貴州兼督理湖北川東等處地方提督軍務一員巡撫天津地方贊理軍務一員巡撫登萊地方贊理軍務一員巡撫安廬地方贊理軍務一員巡撫密雲地方贊理軍務一員巡撫偏沅地方贊理軍務一員巡撫淮揚地方贊理軍務一員巡撫承天贊理軍務一員巡撫鄖陽等處地方兼提督軍務一員贊理松潘地方軍務一員

蕙田案總督巡撫之名始於南北朝後周書文帝紀大統十六年拜章武公導為大將軍總督留守諸軍武帝紀建德二年詔皇太子贊巡撫西土又南史吳明徹傳吾為總督必

須身居其後是也明初命京卿巡撫地方有
軍事則命總督軍務因事而設事已旋罷原
未為一定之官稱其後各省俱有之遂為定
員而布按二司之權輕矣

通政使司

通政使一人左右通政各一人左右叅議各一人掌受內外章疏敷奏封駁之事其屬經

歷知事各一人洪武三年置察言司尋罷十年始置通政使司建文中改司為寺使為卿通政叅議為少卿寺丞增置左右補闕左右拾遺各一人成祖復舊制成化二年置提督膳黃右通政後革

大理寺

卿一人左右少卿各一人左右寺丞各一人掌審獄平反刑獄之政令其屬司務二人左右寺

寺正各一人寺副二人評事四人吳元年置大理司洪武元年革三年置磨勘司尋亦革十四年復置大理寺又置審刑司共平庶獄十九年罷審刑司

蕙田案刑部都察院并大理寺謂之三法司

而大理寺獨以平反為職凡三法司會審初審刑部都察院為主覆審則大理寺為主

詹事府

詹事一人少詹事二人府丞二人掌輔導太子其屬主簿一人錄事二人通事舍人二人左

春坊大學士左庶子左諭德各一人左中允左贊善左司直郎各二人左清紀郎一人左司諫二人右春坊亦如之司經局洗馬一人校書正字各二人洪武初東宮官屬自三少賓客外則有左右詹事同知詹事院

副詹事詹事丞及左右率府使同知副使諭德贊善大夫皆以勲舊大臣兼領又有文學中舍正字侍正洗馬庶子及贊讀等官十五年更定左右春坊司經局官二十二年始置詹事院二十五年改院為府凡坊局之事悉總之建文中又置資德院成祖復舊制按詹事府多由他官兼掌成化以後率以禮部尚書侍郎由翰林出身者兼之其協理者無常員春坊大學士司直司諫清紀郎俱不常置中葉以後出閣講讀每點別員本府坊局僅為翰林官遷轉之階

翰林院

學士一人掌制誥史冊文翰之事備天子顧問侍讀學士侍講學士各二人侍讀侍講各二人

掌講讀經史五經博士九人典籍二人侍書二人待詔六人孔目一人史官修撰編修檢討庶吉士無定員吳元年初置翰林院十四年令編修檢討典籍同左春坊左司直郎正字贊讀考駁諸司奏啟平允則署其銜曰

翰林院兼平駁諸司文字某官某列名書之建文時設承旨改侍讀侍講兩學士為文學博士成祖初復舊又特簡講讀編檢等官叅預機務謂之內閣然解縉胡廣等既直文淵閣猶相繼署院事洪熙以後楊士奇等加至師保禮絕百僚始不復署內閣本翰林之職故嘉隆以前文移關白猶稱翰林院以後則竟稱內閣矣其在六部自成化以後禮部尚書侍郎必由翰林吏部兩侍郎必有一由於翰林其由翰林者尚書則兼學士侍郎則兼讀講學士其在詹事府暨坊局官視其品級必帶本院銜

王氏圻曰英宗天順中大學士李賢建議請專選進士科充翰林院官遂為制自後非進士起家不得居翰林為孤卿非翰苑出身不得入內閣居宥密

國子監

祭酒一人司業一人掌國學諸生訓導之政令其屬監丞一人五經博士五人助教十五人學

正十人學錄七人典簿一人典籍一人掌饌二人明初即置國子學洪武八年又置中都國子學十五年改為國子監二十六年罷中都國子監建文中陞監丞為堂上官革學正學錄成祖初復舊祭酒司業明初擇有學行者任之後皆由翰林官遷轉

蕙田案明制府院寺監設丞俱為堂上官獨

國子監丞領繩愆廳事為屬員

太常寺

卿一人少卿二人寺丞二人掌祭祀禮樂之事其屬典簿二人博士二人協律郎二人贊禮郎

九人司樂二十人天壇地壇朝日壇夕月壇先農壇帝王廟祈穀殿長陵獻陵景陵裕陵茂陵泰陵顯陵康陵

永陵昭陵各祠祭署俱奉祀二人祀丞二人犧牲所吏目一人吳元年置太常司三十年改為寺提督四夷

館少卿一人掌譯書之事初隸翰林院後增太常卿少卿各一員為提督嘉靖中裁卿一員

光祿寺

卿一人少卿二人寺丞二人掌祭享宴勞酒醴膳羞之事其屬典籍二人錄事一人大官珍羞

良醞掌醢四署各署正一人署丞四人監事四人司牲司大使副使各一人司牧局大使一人銀庫大使一人吳元年置宣徽院洪武元年改為光祿寺八年改寺為司三十年復為寺

太僕寺

卿一人少卿二人寺丞二人掌牧馬之政令其屬主簿一人常盈庫大使一人所轄各牧監監

正監副錄事各一人各羣羣長一人洪武初置羣牧監于荅荅失里營所六年更置羣牧監于滁州旋改為太僕寺後定所轄牧監十四羣九十有七三十年置行太僕寺于北平永樂以後以行太僕寺為太僕寺其舊在

滁州者為南
京太僕寺

鴻臚寺

卿一人左右少卿各一人左右寺丞各一人掌
朝會賓客吉凶儀禮之事其屬主簿一人司儀

司賓二署各署丞一人鳴贊四人序班五十人吳元年
置侍儀司九年改為殿庭儀禮司三十年改為鴻臚寺

尚寶司

卿一人少卿一人司丞三人掌寶璽符牌印
章太祖初設符璽郎吳元年改為尚寶司

吏戶禮兵刑工六科

都給事中各一人左右給事中各
一人給事中各一人左右給事中各

禮科六人兵科十人刑科八人工科四人掌侍從規諫
補闕拾遺稽察六部百司之事明初設給事中洪武六
年始分為六科十年隸承敕監十二年改隸通政司十
三年置諫院有左右司諫及正言後又置諫議大夫尋
皆罷二十二年改給事中
中為源士未幾復舊

中書科

中書舍人二十人掌書寫誥敕制詔銀冊鐵券等事直文華殿東房中書舍人掌奉旨書寫

書籍直武英殿西房中書舍人掌奉旨篆寫冊寶圖書俱無定員內閣誥敕房中書舍人制敕房中書舍人

並無定員誥敕房掌書辦文官誥敕番譯敕書并外國文書揭帖兵部紀功勘合底簿制敕房掌書辦制敕詔

書誥命冊表寶文玉牒講章碑額題奏揭帖一應機密文書各王府敕符底簿洪武七年設直省舍人隸中書

省後改中書舍人與給事中俱隸承敕監建文中革中書舍人改為侍書隸翰林院成祖復舊制尋設中書科

定舍人員宣德間內閣置誥敕制兩房皆設中書舍人嘉靖二十年選各部主事大理寺評事帶原銜直誥

敕制敕兩房

蕙田案明代中書舍人有三其直文華武英

殿者率取善書畫者充之其直誥敕制敕兩
房者則為內閣之屬嘉靖以後多選部寺諸
臣入直歸有光以太僕寺丞直制敕房則各
寺堂上官亦有直兩房者矣兩房舍人與文
華武英殿舍人及中書科舍人名同實異明
史并為一條今姑從之而附辨於後

行人司

司正一人左右司副各一人行人三十七人掌
捧節奉使之事洪武十三年置建文中隸鴻臚

寺後
復舊

欽天監

監正一人監副二人掌天文歷數占候推步之事其屬主簿一人春夏中秋冬五官正各一人

五官靈臺郎八人五官保章正二人五官挈壺正二人五官監三人五官司書二人五官司晨八人漏刻博士六人明初設太史監吳元年改監為院洪武元年改為司天監又置回回司天監三年改曰欽天監三十一年罷回回欽天監

太醫院

院使一人院判二人掌醫療之法其屬御醫四人吏目一人生藥庫惠民藥局各大使一人副

使一人太祖設醫學提舉司尋改為太醫院監吳元年改監為院

上林苑監

左右監正各一人左右監副各一人左右監丞各一人掌苑囿園池牧畜樹種之事其屬

典簿一人良牧蕃育林衡嘉蔬四署各典署一人署丞一人錄事一人永樂五年置

中東西南北五城兵馬指揮司

各指揮一人副指揮四人吏目一人掌巡捕盜

賊疏理街道溝渠及囚犯火禁之事

蕙田案明初各城門設兵馬以指揮司領之

其後令專掌刑名盜賊職如兩京州縣而官

名猶仍舊則以文職而繫武職之銜矣

順天府

府尹一人府丞一人治中一人通判六人推官一人儒學教授一人訓導一人其屬經歷知事

各一人照磨檢校各一人所轄宛平大興二縣及司獄司都稅司宣課司稅課司稅課分司遞軍所批驗所

武學

京衛武學教授訓導各一人衛武學教授一人訓導二人或一人

宦官

十二監

每監各太監一員左右少監各一員左右監丞各一員典簿一員長隨奉御無

定員此洪武舊制也後

司禮監

提督太監一員掌印太監一員秉筆太監隨堂

太監書籍名畫等庫掌司內書堂掌司六科廊掌司典簿無定員提督掌督理皇城內一應儀禮刑名掌印掌

理內外章奏及御前勘合秉筆隨堂掌章奏文書照閣票批硃掌司各掌所司典簿典記奏章及諸出納號簿

內官監

掌印太監一員總理管理僉書典簿掌司寫字監工無定員

御用監

掌印太監一員

裏外監把總二員典簿掌司寫字監工無定員又有仁智殿監工一員

司設監

員同內官監

馬監

掌印監督提督太監各一員騰驤四衛營各設監官掌司典簿寫字掌馬等員象房有掌司等員

神宮監

掌印太監一員僉書掌司管理無定員

尚膳監

掌印太監一員提督光祿太監一員

總理一員管理僉書掌司寫字監尚寶監掌印一員僉工及各牛羊等房廠監工無定員書掌司無定

員印綬監

員同尚寶

直殿監

員同上

尚衣監

掌印太監一員管理僉書掌司監工

無定都知監

掌印太監一員僉書掌司長隨奉御無定員

四司

舊制每司各

右司副各一人惜薪司

掌印太監一員總理僉書掌道後漸更易詳下

廠新南廠新西廠各設僉書監工俱無定員

鐘鼓司

掌印太監一員僉書司房學藝官無定員寶

鈔司

掌印太監一員僉書管理監工無定員

混堂司

掌印太監一員僉事監工無定員

局

舊制每局大使一人左右副使各一人

兵仗局

掌印太監一員提督軍器庫太監一員管理僉

書掌司寫字銀作局

掌印太監一員管理僉書寫字監工無定員

浣衣局

掌印

太監一員僉書

巾帽局

掌印太監一員管理僉書掌司監工無定員

鍼工局

監工無定員

員同巾帽局

內織染局

員同上

酒醋麵局

員同上

司苑局

員同上

十

二監四司八局所謂二十四衙門也其外有內府供用

庫

掌印太監一員總理管理掌司寫字監工無定員舊制各庫設官同八局

司鑰庫

員同上

內

承運庫

掌印太監一員近侍僉書太監十員掌司寫字監工無定員

十庫甲字乙字

丙字丁字戊字承運廣盈廣惠贓罰

已上各掌庫一員貼庫僉書無定員

御酒房

提督太監一員僉書無定員

御藥房

提督太監正副二員分兩班近侍醫官無定員

御茶房

提督太監正副二員分兩班近侍無定員

牲口房

提督太監一員僉書無定員

刻

漏房

掌房一員僉書無定員

更鼓房

有罪內官職司之

甜食房

掌房一員協同無定

員彈子房

掌房一員僉書數員

靈臺

掌印太監一員僉書近侍看時近侍無定員

條作

掌作一員協同無定員

監甲廠安民廠

各掌廠太監一員貼廠僉書無定員

午門東

華門西華門奉天門元武門左右順門左右紅門皇宮

門坤寧門宮左右門東宮春和門後門左右門皇城京

城內外諸門

各門正一員管事無定員舊設門正門副各一員

提督東廠

掌印太監

一員掌班領班司房無定員貼刑二員掌刺緝刑獄之事舊選各監中一人提督後專用司禮秉筆第二人或第三人為之其貼刑官則用錦衣衛千百戶為之凡內官司禮監掌印權如外庭元輔掌東廠權如總憲秉筆

隨堂視衆輔各設私臣
提督西廠不常設惟汪直谷大

內廠尋提督京營提督太監坐營太監監鎗掌司
俱罷革僉書俱無定員始于景泰元年文書

房掌房十員掌收通政司每日封進本章并會極門京

應聖諭旨意御批俱由文書房落底發凡升禮儀房提督

太監一員司禮掌印或秉筆攝中書房掌房一員散御

前近侍曰乾清宮管事督理御用諸事曰打卯牌子掌

御前牌子曰煖殿曰管櫃子曰贊禮曰答應長隨

守備正副守備太天壽山守備太監湖廣承天府守備

太監織造提督太監南京一員鎮守鎮守太監始于洪
一員蘇州一員杭州一員熙徧設于正統凡

各省各鎮無不有鎮守太市舶廣東福建浙江三市舶
監至嘉靖八年後始革司各設太監提督後罷

浙江福建二司監督倉場各倉各場俱諸陵神宮監各
惟存廣東司設監督太監陵

俱設神宮監此外之監軍採辦糧稅礦關等使不常設
太監守陵

者不可勝紀也洪武中定內官監十一各門官七司二
局庫九太祖嘗謂侍臣曰朕觀周禮奄

寺不及百人後世至踰數千因用階亂此曹止可供洒
埽給使令非別有委任毋令過多因定制內侍無許識

字又鑄鐵牌文曰內臣不得干預政事犯者斬又敕諸
司毋得與內官監文移往來然二十五年命聶慶童往

河州敕諭茶馬中官奉使行事已自此始成祖亦嘗云
朕一遵太祖訓一軍一民中官不得擅調發顧中官四

出實始永樂時命李興等齎救勞暹羅國王此奉使外國之始也命鄭和等率兵二萬行賞西洋諸國此將兵之始也救王安等監都督譚清等軍馬靖巡視甘肅此監軍巡視之始也及洪熙元年以鄭和領下番官軍守備南京遂相沿不改救王安鎮守甘肅而各省鎮皆設鎮守矣宣德四年特設文書房命大學士陳山教小內使書而太祖不許識字讀書之制由此而廢賜王瑾金英印記則與諸密勿大臣同賜金英范宏免死詔則又無異勲臣之鐵券也英憲武熹之朝太阿倒握威福下移莊烈帝初翦大憝海內頌聖既而鎮守出征督餉坐營等事無一不命中官為之而明亦遂亡矣

王世貞筆記高帝時中人不得預外事見公侯大臣叩首惟謹至永樂初狗兒諸奄稍稍見馬上之績後

以倦勤朝事漸寄筆札久乃稱肺腑矣太監鄭和等
以奉命率舟師下海中諸蠻而中人有出使者矣西
北大將多洪武舊人意不能無疑思以腹心叅之而
中人有鎮守者矣王振時上春秋少不日接大臣而
中人有票旨徑行者矣

蕙田案宦官之禍至明而極然太祖訓敕內
臣毋預政事外臣毋行交結其家法非不嚴
也內臣典兵奉使始於永樂內書堂授書始

於宣德皆所稱英明之主而日中之節即伏

於此時厥後大權旁落威福自擅積漸使然

固其宜矣

南京官

吏部尚書一人右侍郎一人戶部尚書一人右侍郎一人總督糧儲一人禮部尚書一人右侍郎一人兵部尚書一人工部尚書一人石侍郎一人刑部尚書一人右侍郎一人

院右都御史一人右副都御史一人右僉都御史一人提督操江一人通政使司通政使一人右通政一人

叅議一人大理寺卿一人右寺丞一人翰林院學士一人國子監祭酒一人司業一人太常寺卿一人少卿一人

人光祿寺卿一人少卿一人太僕寺卿一人少卿二人寺丞二人鴻臚寺卿一人尚寶司卿一人吏戶禮兵刑

工六科給事中六人行人司左司副一人欽天監監正
一人監副一人太醫院院判一人五城兵馬司指揮各
一人副指揮各三人應天府府尹一人府丞一人治中
一人永樂四年成祖往北京置行部尚書備行在九
卿印以從是時皇太子監國大小庶務悉以委之惟封
爵大辟除拜三品以上則以聞政本故在南也十八年
官屬悉移而北南京六部所存惟禮刑工三部各一侍
郎在南之官加南京字仁宗時補設官屬除南京字正
統六年定制
復如永樂時

蕙田案南京諸部寺監雖有司存而俱為閒
散之職徒以養清望耳於政本無關也今惟
舉其大者而所轄諸司屬則畧之

王府長史司

左右長史各一人掌王府之政令其屬典簿一人所轄有審理所典膳所奉祠所典

寶所紀善所良醫所典儀所工正所及伴讀教授引禮舍人倉庫大使公主府則設家令一人司丞一人錄事

一人洪武二十三年改家令司為中使司

承宣布政使司

左右布政使各一人掌一省之政左右叅政左右叅議無定員其屬經歷都事

各一人照磨檢校各一人理問副理問提控案牘各一人司獄一人庫大使副使各一人倉大使副使各一人

雜造局軍器局寶泉局織染局各大使一人副使一人太祖初置行中書省設平章政事左右丞叅知政事等

員洪武九年改浙江江西福建北平廣西四川山東廣東河南陝西湖廣山西諸行省俱為承宣布政使司罷

行省平章政事左右丞等官改叅知政事為布政使十五年置雲南布政司永樂元年以北平布政司為北京

五年置交趾布政司十一年置貴州布政司宣德三年罷交趾布政司除兩京外定為十三布政司

提刑按察使司

按察使一人掌一省刑名按劾之事副使僉事無定員其屬經歷知事各一人

照磨檢校各一人司獄一人

布政司叅政叅議分司諸道

督糧道督冊道分守道皆帶布政銜

按察司副使僉事分司諸道

提督學道清軍道驛傳道分巡道整飭兵備道其外

又有協堂道水利道屯田道管河道鹽法道撫治道監軍道招練道明初於直隸府州縣設巡按御史各布政司所屬設試僉事後罷試僉事改按察分司四十一道此分巡之始也分守起於永樂間兵道仿自洪熙間兩京不設布按二司故督學以御史後置守巡諸員無所屬則寄銜於鄰近省布按司官

行太僕寺

卿一人少卿一人寺丞無定員掌各邊衛所營堡之馬政其屬主簿一人洪武三十年置

行太僕寺於山西北平陝西甘肅遼東永樂中以北平行寺為太僕寺

苑馬寺

卿一人少卿一人寺丞無定員掌六監二十四苑之馬政其屬主簿一人各牧監監正監副錄

事各一人各苑園長一人永樂四年置北直隸遼東平涼甘肅凡四寺十八年革北京苑馬寺并入太僕正統

中革甘肅苑馬寺

都轉運鹽使司

都轉運使一人同知一人副使一人判官無定員掌鹽監之事其屬經歷知事

各一人庫大使副使各一人所轄各場鹽課司大使副使各鹽倉大使副使各批驗所大使副使並一人都轉運司凡六曰兩淮曰兩浙曰長蘆曰河東曰山東曰福建分司十四

鹽課提舉司

提舉同提舉各一人副提舉無定員其屬吏目一人庫大使副使一人所轄各鹽倉

大使副使各場各井鹽課司大使副使並一人提舉司凡七曰四川曰廣東海北曰黑鹽井曰白鹽井曰安寧

曰五井曰察罕腦兒又有遼東煎鹽提舉司

市舶提舉司

提舉一人副提舉二人掌海外諸番朝貢市易之事其屬吏目一人

茶馬司

大使一人副使一人掌市馬之事

府

知府一人同知通判無定員推官一人其屬經歷知事各一人照磨檢校各一人司獄一人儒學教授一

人訓導四人稅課司大使一人倉大使副使各一人織染雜造局大使副使各一人醫學正科一人陰陽學正

術一人

州

知州一人同知判官無定員其屬吏目一人儒學學正一人訓導二人稅課局大使一人庫大使一人織

染

雜造局大使副使各一人醫學典科一人陰陽學典術一人

縣

知縣一人縣丞一人主簿一人其屬典史一人儒學教諭一人訓導二人稅課局大使一人庫大使一人

醫學訓科陰陽學訓術各一人

顧氏炎武曰唐制京郡乃稱府至宋則潛藩之地皆

升為府宋初太宗眞宗皆嘗為開封尹後無繼者乃

設權知府一人以待制以上充之崇寧三年蔡京乞

罷權知府置牧尹各一員牧以皇子領尹以文臣充

是權知府者所以避京尹之名也今則直命之為知府非也 知縣者非縣令而使之知縣中之事唐人亦謂之知印其名始於貞元以後其初尚帶一權字至於普設知縣則起自宋初以州郡多闕官縣令選尤猥下乃詔吏部選幕職官為知縣自此以後遂罷令而設知縣沿其名至今宋時結銜曰以某官知某府事以某官知某州事以某官知某縣事以其本非此府此州此縣之正官而任其事故云然

巡檢司

巡檢副巡檢主緝捕盜賊凡關津要害處俱設

驛驛丞典郵傳迎送

河泊

所官

掌收魚稅

閘官壩官

掌啟閉蓄洩

批驗所

大使副使各一人掌驗茶

鹽引

遞運所

大使副使各一人掌運遞糧物

鐵冶所

大使副使各一人以上皆隸府

縣州

中軍左軍右軍前軍後軍

五都督府

每府左右都督都督同知都督僉事

無定員其屬經歷都事各

一人初太祖下集慶即置行樞密院自領之又置諸翼統軍元帥府尋罷樞密院改

置大都督府以都鎮撫司

祿馬尋罷統軍元帥府吳元年罷大都督不設十三年改都督府為五軍都督府分

領在京各衛所及在外各

都司衛所永樂元年設北京留守行後軍都督府後又分五府稱行在五軍都督府

十八年除行在字在應天者加南京字洪熙元年復稱行在仍設行後府宣德三年又革正統六年復除行在字

京營

永樂二十二年置大三營曰五軍營神機營三千

舊設者號為老營成化三年分團營為十二每營又各分五軍三千統騎兵神機統火器正德中又選團營精銳置東西兩官廳嘉靖二十年革團營官廳仍併三大營改三千曰神樞統以提督總兵官一員已改提督曰總督京營戎政更設侍郎一人協理京營戎政定巡視科道官歲一代悉革內侍官隆慶初仍以總督為提督改協理為閱視尋併改閱視為提督四年三營各設提督又各設右都御史一員提督之尋罷六提督仍復總督戎政一人天啟初增設協理一人尋革崇禎初復增設

京衛指揮使司

指揮使一人指揮同知二人指揮僉事四人鎮撫司鎮撫二人其屬經歷知事

吏目倉大使副使各一人所轄千戶所多寡不等京衛有上直衛有南北京衛品秩並同各有掌印有僉書其以恩廕寄祿無定員凡上直衛親軍指揮使司二十有六皆不隸都督府錦衣衛其一也其京衛隸都督府者三十有三不隸都督者十有五

錦衣衛

掌侍衛緝捕刑獄之事恒以勲戚都督領之恩廕寄祿無定員鎮撫司掌本衛刑名兼理軍匠

洪武二十年以治錦衣衛者多非法凌虐乃焚刑具出繫囚送刑部審錄詔內外獄咸歸三法司罷錦衣獄成祖時復置尋增北鎮撫司專治詔獄成化間刻印畀之獄成得專達不關白錦衣錦衣官亦不得干預而以舊所設為南鎮撫司專理軍匠

南京守備協同守備

各一人南京以守備及叅贊機務為要職守備以公侯伯充兼領中

軍都督府事協同守備以侯伯都督充領五府事叅贊機務以兵部尚書領之永樂十九年遷都設守備洪熙

元年以中官同守備景泰三年增設協同守備一人

南京五軍都督府

左右都督都督同知都督僉事不全設其掌印僉書皆以勲戚及三等都

督為之其屬經歷都事各一人

南京衛指揮使司

設官如京衛其隸五都督府者三十有二又親軍衛指揮使司十有七

王府護衛指揮使司

設官如京衛又王府儀衛司儀衛正一人副二公典仗六人

總兵官副總兵叅將游擊將軍守備把總

無定員凡總鎮一方者為

鎮守獨鎮一路者為分守各守一城一堡者為守備與
主將同守一城者為協守又有提督提調巡視備禦領
班備倭等名凡總兵副總兵率以公侯伯都督充之其
總兵掛印稱將軍者雲南曰征南將軍大同曰征西前
將軍湖廣曰平蠻將軍兩廣曰征蠻將軍遼東曰征虜
前將軍宣府曰鎮朔將軍甘肅曰平羌將軍寧夏曰征
西將軍交趾曰副將軍延綏曰鎮西將軍其在薊鎮貴
州湖廣四川及僦運淮安者不得稱將軍掛印宣德間
又設山西陝西二總兵嘉靖間分設廣東廣西貴州湖
廣二總兵為四改設福建保定副總兵為總兵又添設
浙江總兵神宗朝又增設於臨洮山海天啟間增設登
萊至崇禎時益紛不可紀而位權亦非復當日蓋明初
雖叅將游擊把總亦多有充以
勲戚都督等官至後則杳然矣

留守司

正留守一人副留守一人指揮同知二人其屬
經歷都事斷事副斷事吏目各一人洪武二年

詔以臨濠為中都十四年置留守
司嘉靖十九年置興都留守司

都指揮使司

行都指揮使司

都指揮使一人
都指揮僉事二人
同知二人

四人掌一方之軍政其屬經歷都事斷事副斷事吏目各一人司獄倉庫草場大使副使各一人明初置各行省行都督府設官如都督府又置各都衛指揮使司洪武八年詔各都衛並改為都指揮使司凡改設都司十有三行都司三宣德以後定設都司十有六行都司五

衛指揮使司

設官如京衛各統於都司行都司或留守司

千戶所

正千戶一人副千戶一人鎮撫二人其屬吏目一入所轄百戶所凡十共百戶十人總旗二十


人小旗百人其守禦千戶所軍民千戶所設官並同

土官

洪武七年西南諸蠻朝貢多因元官授之後定為宣慰司者十一為招討司者一為宣撫司者十為

安撫司者十九為長官司者百七十有三其府州縣正貳屬官或土或流皆因其俗使之守疆土脩職貢供征調又有番夷都指揮使司三衛指揮使司三百八十五宣慰司三招討司六萬戶府四千戶所四十一站七地面七寨一並以附寨番夷官其地

右明官制



五禮通考卷二百十九